

摘藻堂四庫全書薈要

集部

欽定四庫全書薈要

集部

御選古文淵鑒卷三十九

欽定四庫全書薈要

御選古文淵鑒卷三十九目錄

唐



制策對

李德裕

討劉稹制

賜回鶻書意

賜回鶻可汗書意

賜太和公主敕書

賜石雄詔意

賜王宰詔意

又賜王宰詔意

代劉沔與回鶻宰相頡于伽思書

宰相與李執方書

論侍講奏孔子門徒事狀



議禮法等大事

論維州事狀

丹扆六箴并序

臣子論

忠諫論

近倖論

御選古文淵鑒卷三十九目錄

欽定四庫全書薈要卷一萬七千一百九十二集部

御選古文淵鑒卷三十九

內閣學士兼禮部侍郎教習庶吉士臣徐乾學等奉

旨編注

唐

劉蕡

字去華幽州昌平人對策不第貶柳州司戶參軍至昭宗時贈右諫議大夫

制策對

神策中尉王守澄負弑逆罪不能討文宗即位思洗宿恥太和二年引諸儒策

之於廷蕡對策極言其禍

劉涇詳明發經  
術此逼真京文  
字可以追蹤晁董

褐衣小生沐浴齋戒伏於彤庭之內謹頓首上言皇帝  
陛下臣誠不佞有匡國致君之術無位而不得行有犯  
顏敢諫之心無路而不得達但懷憤鬱抑思有時而一  
發耳尚欲與庶人議於道商賈謗於市得通上聽一悟  
主心雖被妖言之罪無所悔焉況逢陛下詢求過闕咨  
訪謀猷制詔中外舉直言極諫臣辱斯舉專承大問敢  
不悉意以言至於上所忌時所禁權幸所諱惡有司所  
與奪臣愚不識大體伏惟陛下少加優容不使聖時有

致堂胡寅曰裴  
度韋處厚抑諫  
官御史不令伸  
贊何也黃策有  
三事焉一則識  
及文宗二則舉  
隆宰相三則力  
誅宦寺此裴韋  
所以拒之而不  
敢當者也雖然  
此尋常之見耳  
二公屢朝舊德  
盡以棟國取賢  
臣君救弊為重

謹言受戮者天下之幸也謹昧死以對伏以聖策有思  
古先之理念玄默之化將欲通天人以濟俗和陰陽以  
煦物見陛下慮道之深也臣以爲哲王之理其則不遠  
惟致之之道何如耳伏以聖策有祇荷丕構而不敢荒  
寧奉若謨訓而罔有怠忽見陛下憂勤之至也臣以爲  
任賢惕厲宵衣旰食宜絀左右之纖佞進肱股之大臣  
若夫追蹤三五紹復祖宗以鑒前古之興亡明當代之  
成敗心有不達以下情蔽而不得上通行有未孚以上

乎是時未有一人言及宦寺者若因貴言置之高第請召公卿并貴常侍五六人陳太宗故事及近代之失咨訪厥中公議既合此五六人者必有自善之謀納兵之請因而處之以禮則不出中是定計定矣乃避遠小嫌失於事會黜直言之士增北司

澤壅而不得下洽欲人之化在修己以先之欲氣之和在遂性以導之揀災旱在致精神廣播殖在視食力國廩罕蓄本乎冗食尚繁吏道多端本乎選用失當豪猾踰檢繇中外之法殊生徒惰業繇學校之官廢列郡干禁繇授任非人百工淫巧繇制度不立伏以聖策有擇官濟治之心阜財發號之歎見陛下教化之本也且進人以行則枝葉安有難辨乎防下以禮則恥格安有不形乎念生寡而食衆可罷斥惰游念令煩而理鮮要察

之氣其失豈小也哉貴之所陳但欲復其掃除之職異乎申錫訓注之謀事必可行惜乎裴韋讀之不詳思之不熟也

其行否博延羣彥願陛下必納其言造庭待問則小臣

安敢愛死伏以聖策有求賢箴闕之言審政辨疵之令

見陛下咨訪之勤也遂小臣斥姦豪之志則弊革於前

守陛下念康濟之心則惠敷於下邪正之道分而治古

可近禮樂之方著而和氣克克至若夷吾之法非皇王

之權嚴尤所陳無最上之策

漢書嚴尤三策謂周得中策漢得下策秦無策焉

元凱之所先不若唐堯考績

晉書杜預上黜陟之課謂當委任達官各考所統在

官一年以後每歲舉優者一人爲上第劣者一人爲下第叔子之所務不若虞舜舞

干晉書羊祜與吳人交兵尅日方戰不爲掩襲之計有進譎詐之策者輒飲以醇酒使不得言且俱

非大德之中庸上聖之龜鑑又何足爲陛下道哉或有以繫安危之機兆存亡之變者臣請披肝膽爲陛下別白而重言之臣前所謂哲王之理其則不遠者在陛下慎思之力行之始終不懈而已謹按春秋元者氣之始也春者歲之元也春秋以元加於歲以春加於王明王者當奉若天道以謹其始也又舉時以終歲舉月以終時春秋雖無事必書首月以存時明王者當承天之道



水心葉遠曰唐  
賢良策惟有劉  
蕡余嘗論唐人  
無識治亂者惟  
以文華進身以  
氣力任事隨其

以謹其終也

隱元年春王正月穀梁傳  
雖無事必舉正月謹始也

王者動作終始

必法於天者以其運行不息也陛下能謹其始又能謹

其終懋而脩之勤而行之則執契而居簡

老子聖人執  
左契而不責

於無爲而不宰廣立本之大業崇建中之盛德安有三

代循環之弊

史記高帝贊言夏政忠其敝野故殷人承  
之以敬敬之敝鬼故周人承之以文文之

敝僊救僊莫若忠三代  
之道若循環周而復始百僞滋熾之漸乎臣故曰唯致

之之道何如耳臣前所謂任賢惕厲宵衣旰食宜絀左

右之纖佞進股肱之大臣實以陛下憂勞之至也臣聞

所至裁割而成  
如資考據經術  
條析急務一時  
大義畧皆先具  
進士之俊傑無  
能及矣然知治  
與致治不同惜  
資不一試用觀  
其所為何如也

不宜憂而憂者國必衰宜憂而不憂者國必危陛下不  
以國家存亡社稷安危之策而降於清問臣未知陛下  
以布衣之臣不足與定大計耶或萬機之勤而聖慮有  
所未至也不然何宜憂而不憂乎臣以爲陛下宜先憂  
者宮闈將變社稷將危天下將傾四海將亂此四者國  
家已然之兆故臣謂聖慮宜先及之夫帝業既艱難而  
成之固不可容易而守之太祖肇其基高祖勤其績太  
宗定其業玄宗繼其明至於陛下二百餘載其間聖明

伯厚王應麟曰  
唐宏詞之論其

相因擾亂繼作未有不用賢士近正人而能興者或一

日不念則顛覆大器宗廟之恥萬古爲恨臣謹按春秋

人君之道在體元以居正昔董仲舒爲漢武帝言之略

矣有未盡者臣得爲陛下備論之夫繼故不書卽位所

以正其始也終必書所終之地所以正其終也故爲君

者所發必正言所履必正道所居必正位所近必正人

春秋閹弑吳子餘祭

左傳吳人伐越獲俘以爲閹使守舟吳子餘祭觀舟閹以刀弑之

不書其君譏疏遠賢人昵近刑人有不君之道伏惟陛

傳於今者惟韓  
文公顏子不貳  
過制舉之策其  
書於史者惟劉  
黃一篇不在乎  
科目得失也

下思祖宗開國之勤念春秋繼故之誠明法度之端則  
法正言履正道杜篡弑之漸則居正位近正人遠刀鋸  
之殘親骨鯁之直輔相得以顯其任庶寮得以守其官  
奈何以褻近五六人總天下大政外專陛下之命內竊  
陛下之權威攝朝廷勢傾海內羣臣莫敢指其狀天子  
不得制其心禍稔蕭牆姦生帷幄臣恐曹節侯覽節覽漢官  
也官復生於今日此宮闈將變也臣謹按春秋定公元年  
春王不言正月者春秋以爲先君不得正其終則後君

不得正其始故曰定無正也

昭公薨於乾侯不得正其終定公制在權臣不得正

其始今忠賢無腹心之寄閹寺專廢立之權陷先帝不得

正其終致陛下不得正其始

春秋穀梁傳定元年春王不言正月定無正也定之

無正何也昭公之終非正終也定之始非正始也昭無正終故定無正始况太子未立郊祀

未修將相之職不歸名分之宜不定此社稷將危也臣

謹按春秋王札子殺召伯毛伯春秋之義兩下相殺不

書此書者重其顓王命也夫天之所授者在君君之所

授者在命操其命而失之者是不君也侵其命而專之

少穎林之奇曰  
名之以直言而  
其言直索之以  
極諫而其諫極

可謂舉得其人矣始以直言極諫而求之反以直言極諫而黜之將何以得天下之賢材乎仁祖皇帝嘗舉直言極諫科蘇子由對策盛言宮中飲酒過度歌舞失節仁祖初無是事而舉士妄言可黜仁祖曰以直言極諫而求之焉可以直言極諫而黜

者是不臣也君不君臣不臣此天下所以將傾也宣公十五年

年王札子殺召伯毛伯臣謹按春秋晉趙鞅以晉陽之此所引多穀梁之辭

兵叛入於晉書其歸者能逐君側之惡以安其君故春

秋善之定公十三年秋晉趙鞅入於晉陽以叛冬晉趙鞅歸於晉公羊傳此叛也其言歸何取晉陽之

甲以逐荀寅士吉射君側之惡也今威柄陵夷藩臣跋扈有不達人臣

之節首亂者將以安君爲名不究春秋之微稱兵者以

逐惡爲義則典刑不繇天子征伐必自諸侯此海內所

以將亂也故樊噲排闥而雪涕史記高祖病詔戶者無得入羣臣噲乃排闥直

之乎小臣疎遠  
乃能如此特旨  
取之嗚呼仁聖  
之慮遠矣

入見上袁盎當車以抗辭史記文帝出宦者趙談參乘

流涕與刀鋸餘人共載上笑下趙談京房發憤以殞身漢書元帝時石顯顯

乃譖殺房竇武不顧而畢命後漢書竇武欲誅宦官曹節此

皆陛下明知之矣臣謹按春秋晉狐射姑殺陽處父書

襄公殺之者以其君漏言也襄公不能固陰重之戒處

父所以及殘賊之禍故春秋非之文公六年晉殺其大

國以殺君漏言也晉將與狄戰使狐射姑爲將軍趙盾

佐之處父不可襄公謂射姑曰今汝佐盾矣襄公死射

姑使人夫上漏其情則下不敢盡意上泄其事則下不

殺處父

敢盡言故傳有造膝詭辭之文

穀梁傳入則造辟出則詭辭辟君也造膝造君

之易有失身害成之戒

易繫辭君不密則失臣臣不密則失身幾事不密則害成

公卿大臣非不欲爲陛下言之慮陛下不能用也陛下

既忽而不用必泄其言臣下既言而不行必嬰其禍適

足鉗直臣之口而重姦臣之威是以欲盡其言則有失

身之懼欲盡其意則有害成之憂徘徊鬱塞以須陛下

感悟然後盡其啓沃陛下何不以聽朝之餘時御便殿

召當世賢相與舊德老臣訪持變扶危之謀求定傾掇

淳夫范祖禹曰自古國家之敗未有不由子孫更變祖宗之舊也創業之君其得之也難故其防患也深其慮之也遠故其立法也密後世雖有聰明才智之君高出羣臣之表然未若祖宗更事之多也夫中人不可假以



威權蓋近而易  
以爲奸也自明  
皇不戒履霜之  
漸而輕變太宗  
之制崇信宦者  
增多其實自是  
以後侵於國政  
其源一啓末流  
不可復塞唐室  
之禍基於開元  
書曰監於先王  
成憲其永無愆  
爲人後嗣可不  
念之哉

亂之術塞陰邪之路屏褻狎之臣制侵陵迫脇之心復  
門戶掃除之役戒其所宜戒憂其所宜憂既不能理於  
前當理於後不得正其始當正其終則可以虔奉典謨  
克承丕構終任賢之效無宵旰之憂矣臣前所謂追踪  
三五紹復祖宗宜鑒前古之興亡明當時之成敗者臣  
聞堯禹爲君而天下大治者以能任九官四岳十二牧  
不失其舉不貳其業不侵其職居官唯其能左右唯其  
賢元凱在下雖微而必舉四凶在朝雖彊而必誅考其

水心葉適曰立國之勢有未當論治亂安危而先當論存亡者自昔善論之士少有能知新史謂唐兵三變歸咎於明皇而神策宿衛之兵姑泛言之而已如募兵藩鎮以治亂安危言之可也而存亡之分猶未及焉自明皇以楊思勳將兵平蠻始啓亡

安危明其取舍至秦二世漢元成咸願措國如唐虞致身如堯舜而終敗亡者以其不見安危之機不知取舍之道不任大臣不辨姦人不親忠良不遠讒佞也伏惟陛下察唐虞之所以興而景行於前鑒秦漢之所以亡而戒懼於後陛下無謂廟堂無賢相庶官無賢士今綱紀未絕典刑猶在人誰不欲致身爲王官致時爲升平陛下何忽而不用邪又有居官非其能左右非其賢惡如四凶詐如趙高姦如恭顯

弘恭石顯

陛下何憚而不去邪

國之禍肅宗用李輔國代宗用程元振魚朝恩德宗遂為故事終唐之世未有言其非者惟劉蕡對策欲擊兵柄以歸於將然王叔文既已取之而不能使蕡得用未知其何道以歸於將也然則以唐事考之募兵藩鎮不過能危亂其國而亡唐者特中

神器固有歸天命固有分祖宗固有靈忠臣固有心陛

下其念之哉昔秦之亡也失於彊暴漢之亡也失於微

弱彊暴則姦臣畏死而害上

謂趙高也

微弱則強臣竊權而

震主

謂外戚宦官蕡意專指宦官

臣伏見敬宗不虞亡秦之禍不翦

其萌伏惟陛下深軫亡漢之憂以杜其漸則祖宗之洪

業可紹三王之遐軌可追矣臣前所謂陛下心有所未

達以下情塞而不能上通行有所未孚以上澤壅而不

得下浹且百姓有塗炭之苦陛下無繇而知陛下有子

官將兵而已三代所以久長及其諸侯之國有至七八百年者皆以其雖可危亂而未可亡故也

惠之心百姓無由而信臣謹按春秋書梁亡不書取者

梁自亡也以其思慮昏而耳目塞上出惡政人爲寇盜

皆不知其所以然自取其滅亡也

僖十九年梁亡穀梁傳酒於酒淫於色心

昏耳目塞上無正長之治大臣背叛民爲寇盜自亡也

臣聞國君之所以尊者重

其社稷也社稷之所以重者存其百姓也苟百姓不存

則社稷不得固其重社稷不重則人君不得保其尊故

治天下者不可不知百姓之情夫百姓者陛下之赤子

陛下宜令慈仁者親育之如保傅焉如乳哺焉如師之

教導焉故人信於上也恭之如神明愛之如父母今或不然陛下親近貴倖分曹建署補除卒吏召致賓客因其貨賄假以聲勢大者統藩方小者爲守牧居上無清惠之政而有號餐餐之害居下無忠誠之節而有姦欺之罪故人之於上也畏之如豺狼惡之如讐敵今海內困窮處處流散饑者不得食寒者不得衣鰥寡孤獨不得存老幼疾病不得養加以國權兵柄顯於左右貪臣聚斂以固寵姦吏因緣而弁法寃痛之聲上達於九天下

入於九泉鬼神爲之怨怒陰陽爲之愆錯君門萬里不  
得告訴士人無所歸化百姓無所歸命官亂人貧盜賊  
並起土崩之勢憂在旦夕即不幸因之以病癘繼之以  
凶荒陳勝吳廣不獨起於秦赤眉黃巾不獨生於漢臣  
所以爲陛下發憤扼腕痛心泣血也如此則百姓有塗  
炭之苦陛下何由而知之乎陛下有子惠之心百姓安  
得而信之乎使陛下行有所未孚心有所未達固其然  
也臣聞漢元帝卽位之初更制七十餘事其心甚誠其

稱甚美然紀綱日紊國祚日衰姦宄日彊黎元日困繇不能擇賢良而任之失其操柄也自陛下卽位憂勤兆庶屢降德音四海之內莫不抗首而長思自喜復生於死亡之中也伏惟陛下慎終如始以塞四方之望誠能揭國柄以歸於相持兵柄以歸於將去貪臣聚斂之政除姦吏因緣之害惟忠賢是近惟正直是用內寵便僻無所聽焉選清慎之官擇仁惠之長敷之以利煦之以和教之以孝慈道之以德義去耳目之塞通上下之情

俾萬國懽康庶兆蘇息即心無不達而行無不孚矣臣  
前所謂欲人之化也在修己以先之臣聞德以修己教  
以導人修之也則人不勸而自立導之也則人敦行而  
率從君子欲政之必行也故以身先之欲人之從化也  
故以道御之今陛下先之以身而政未必行御之以道  
而人未從化豈立教之旨未盡其方邪夫立教之方在  
乎君以明制之臣以忠行之君以知人爲明臣以匡時  
爲忠知人則任賢而去邪匡時則固本而守法賢不任



則重賞不足以勸善邪不去則嚴刑不足以禁非本不固則民流法不守則政散而欲教之必至化之必行不可得也陛下能斥姦邪而不私其左右舉賢正而不遺其疏遠則化浹朝廷矣愛人而敦本分職而奉法修其身以及其人始於中而成於外則化行天下矣臣前所謂欲氣之和也在遂其性以導之者當納人於仁壽也夫欲人之仁壽也在立制度修教化夫制度立則財用省財用省則賦斂輕賦斂輕則人富矣教化修則爭競

息爭競息則刑罰清刑罰清則人安矣既富矣則仁義興焉既安矣則壽考至焉仁壽之心感於下和平之氣應於上故災害不作休祥荐臻四方底寧萬物咸遂矣臣前所謂揀災旱在乎致精誠者臣謹按春秋魯僖公一年之中三書不雨者以其人君有恤人之志也

僖公三年

春王正月不雨夏四月不雨六月雨穀梁傳不雨者勤雨也一時而言不雨閔雨也

文公三年之

中一書不雨者以其人君無閔人之心也

文公二年書自十有二月

不雨至於秋七月十年書自正月不雨至於秋七月十年書自正月不雨至於秋七月穀梁傳歷時而言

不雨不憂雨也故僖致精誠而旱不害物文無卹閔而變則成

災陛下有閔人之志則無成災之變矣臣前所謂廣播

殖在乎視食力者臣謹按春秋君人者必時視人之所

勤人勤於力則功築罕人勤於財則貢賦少人勤於食

則百事廢今財食與力皆勤矣願陛下廢百事之用以

廣三時之務則播殖不愆矣臣前所謂國廩罕蓄本於

冗食尚繁者臣謹按春秋臧孫辰告糴於齊春秋譏其

無九年之蓄一年不登而百姓饑

事見莊公二十八年  
譏國無三年之蓄乃

穀梁傳語

臣願斥游惰之人以篤耕植省不急之費以贍黎

元則廩蓄不乏矣臣前所謂吏道多端本乎選用失當者繇國家取人不盡其材任人不明其要故也今陛下之用人也求其聲而不求其實故人之趨進也務其末而不務其本臣願覈考課之實定遷序之制則多端之利息矣臣前所謂豪猾踰檢繇中外之法殊者以其官禁不一也臣謹按春秋齊桓公盟諸侯不以日而葵丘之會特以日者美其能宣明天子之禁率奉王官之法

故春秋備而書之

僖公九年秋九月戊辰諸侯盟於葵丘穀梁傳曰桓盟不日此何以日美

之也爲見天子之禁故備之也

然則官者五帝三王之所建也法者高

祖太宗之所制也法宜畫一官宜正名今又分外官中

官之員立南司北司之局

百官赴南牙朝會者謂之外官亦謂之南司官官列局於

元武門內兩軍中尉護諸營於苑中謂之中官亦謂之北司

或犯禁於南則亡命於

北或正刑於外則破律於中法出多門人無所措繇兵

農勢異而中外法殊也臣聞古也因井田以制軍賦開

農事以修武備提封約卒乘之數命將在公卿之列故

卧子陳子龍曰  
當時專兵者皆  
盜賊耳兵非天  
子之兵將非天  
子之將也而天  
子之兵之將則  
又以軍容監之  
樞密主之矣故  
資於此復言以  
兵柄歸於將也

兵農一致而文武同方以保乂邦家式遏亂略太祖置

府兵臺省軍衛文武參掌閒歲則橐弓力穡有事則釋

耒荷戈所以修復古制不廢舊物今則不然夏官不知

兵籍止於奉朝請六軍不主武事止於養階勳

兵部古夏官之

職六軍上將軍大將軍將軍統軍皆以養勳階軍容合中官之政戎律附內臣

之職

謂觀軍容使及諸監軍使也

首一戴武弁疾文吏如仇讐足一

蹈軍門視農夫如草芥謀不足以翦除姦克而詐足以

抑揚威福勇不足以鎮衛社稷而暴足以侵軼閭里

軼徒

臣熙曰忠言讜  
論反覆數千言  
文章經濟萬而  
有之故能閎中  
而肆外以直言  
極諫取士而以  
直言極諫棄之  
唐所以不競也

結切又音  
佚突也

羈紲藩臣干陵宰輔隳裂王度汨亂朝經張

武夫之威上以制君父假天子之命下以御英豪有藏  
姦觀釁之心無仗節死難之誼豈先王經文緯武之旨  
邪臣願陛下貫文武之道均兵農之功正貴賤之名一  
中外之法選軍衛之職修省署之官近崇貞觀之風遠  
復成周之制自邦畿以刑下國始天子而達諸侯可以  
制猾姦之強無踰檢之患矣臣前所謂生徒惰業由學  
校之官廢者蓋國家貴其祿賤其能先其事後其行故

庶官乏通經之學諸生無修業之心矣臣前所謂列郡  
干禁繇授任非人者臣以爲刺史之任理亂之根本繫  
焉朝廷之法制在焉權可以御豪強恩可以惠孤寡彊  
可以禦姦寇政可以移風俗其將校曾經戰陣及功臣  
子弟請隨宜酬賞苟無理人之術者不當任此官即絕  
干禁之患矣臣前所謂百工淫巧繇制度不立者臣請  
以官位祿秩制其器用車服禁以金銀珠玉錦繡雕鏤  
不蓄於私室則無蕩心之巧矣臣前所謂辨枝葉者繇



臣廷敬曰其經術綜三傳之緒言其識略切當世之要務至觸冒忌諱不顧利害尤能言人所難言洵唐宋以來制策之冠冕也

考言以詢行也臣前所謂形於恥格者繇道德而齊禮也臣前所謂念生寡而食衆可罷斥游惰者已備於前矣臣前所謂令煩而理解鮮要察其行否者臣聞號令者理國之具也君審而出之臣奉而行之或虧上旨罪在不赦今陛下令煩而理解鮮得非持之者有所蔽欺乎臣前所謂博延羣彥願陛下必納其言造廷待問則小臣不敢愛死者昔晁錯爲漢畫削諸侯非不知禍之將至也忠臣之心壯夫之節苟利社稷死無悔焉臣非不知

言發而禍應計行而身僂蓋痛社稷之危哀生人之困

豈忍姑息時忌竊陛下

一命之寵哉周禮一命受職後世以初品官爲一

命昔龍逢死而啓商比干死而啓周韓非死而啓漢陳

蕃死而啓魏今臣之來也有司或不敢薦臣之言陛下

又無以察臣之心退必戮於權臣之手臣幸得從四子

游於地下固臣之願也所不知殺臣者臣死之後將孰

爲啓之哉至如人主之闕政教之疵前日之弊臣既言

之矣若迺流下土之惠修近古之理而致和平者在陛

下行之而已然上之所陳者實以臣親承聖問敢不條對雖臣之愚以爲未極教化之大端皇王之要道伏惟陛下事天地以教人恭奉宗廟以教人孝養高年以教人悌長字百姓以教人慈幼調元氣以煦育扇太和於仁壽可以逍遙無爲垂拱成化至若念陶鈞之道在擇宰相以任之使權造物之柄念保定之功在擇將帥以任之使修閭外之寄念百度之未貞在歷庶官而任之使顯職業之守念百姓之怨痛在擇良吏以任之使明

惠養之術自然言足以爲天下教動足以爲天下法仁

足以勸善義足以禁非又何必宵衣旰食勞神惕厲然

後致理哉

是時第策官左散騎常侍馮宿太常少卿賈餗庫部郎中龐嚴見賁對嗟服以爲過古晁

董而畏中官毗睚不敢取士人讀其詞至有感慨流涕者諫官御史交章論其直於時被選者二十有二人所言皆冗齷常務類得優調河南府參軍事李邵曰賁逐我畱吾顏其厚邪乃上疏曰陛下御正殿求直言使人得自奮臣才志懦劣不能質今古是非使陛下聞未聞之言行未行之事忽忽內思愧羞神明今賁所對敢空臆盡言至皇王之成敗陛下所防閑時政之安危不私所料又引春秋爲據漢魏以來無與賁比而有司以言涉訐忤不敢聞臣恐忠良道窮網紀遂絕季漢之亂復興於今矣帝不納

德裕處分澤潞比  
跡蔡功似此辭說  
嚴明所謂制勝於  
廟堂也

李德裕

字文饒贊皇人宰相吉甫子相武宗官拜太尉進封衛國公宣宗立貶崖州卒

討劉稹制

澤潞劉從諫死其從子稹擅留軍以邀節度德裕言於武宗詔稹襲喪還

東都稹不奉詔奪從  
諫稹官勅諸軍進討

門下定天下者致風俗於大同安生人者齊法度於畫

一雖晉之樂趙

樂盈趙盾趙鞅

家有舊勳漢之韓黥

韓信黥布

身爲

佐命至於干紀亂律罔不梟夷禁暴除殘古今大義劉

悟填居海岱嘗列爪牙屬師道阻兵六師問罪三面開

網一境離心乘此危機遂能歸命

元和末詔誅李師道師道趣悟與魏博軍

戰未及進馳使召悟將殺之悟

整兵入鄆執殺師道獻首於朝

憲宗授悟義成軍節度使治

燕滑州南燕慕容德所居地

黨

穆宗即位移鎮澤潞

招致死士固護一方逮於末年已虧臣節

長慶初悟縱軍衆執監軍劉承日益縱恣欲效河朔三鎮朝廷失意不逞之徒多投潞州求援往往論事辭旨

遜不劉從諫生稟戾氣動扇剛風因跋扈之資以專封壤

恃紀綱之律以逞驕恣暫展執珪之儀終無上綬之請

隙駒爲樂魏豹姑務於絕河

漢王敗還至滎陽魏豹請視親病至國則絕河津畔

漢漢王命酈生說豹豹謝曰人生一世間如白駒過隙今漢王嫚侮人吾不忍復見也

井蛙自居

孫述頗聞於巴蜀

隗囂使馬援觀公孫述已而辭述歸謂囂曰子陽井底蛙耳

大受

亡命妄作妖言中訶朝廷潛圖左道輒謀動戎帥屢奏

陰謀顧苕卵之可矜豈泉魚之是察暨乎沉痾曾靡哀

鳴猶駐將盡之魂恣行邪僻之志罔惑舊校樹立狡童

中使挾醫莫覩其朝服近臣銜命不入於壘門逆節甚

明人神共棄其贈官及先授官爵并劉稹在身官並宜

削奪成德軍節度使王元逵魏博節度使何弘敬或連

姻王室或任重藩維懇陳一志之誠願揚九伐之命吳

禹修方岳貢曰  
文饒所草諸勅  
皆深略瑋文洞  
見萬里真是相

業所係非徒以  
詞命見推

漢任職受詔而初無辦嚴

吳漢每當出師朝受詔夕卜即引道初無辦嚴之日

式朴忠未戰而義形於內

初漢以卜式朴忠拜爲齊王太傅轉爲相會呂嘉反式上

書請行上下詔曰往年西河歲惡率齊人入粟今又首奮雖未戰可謂義形於內矣況成德軍嘗

以驍騎橫衝首破朱滔

德宗興元元年王武俊李抱真同破朱滔戰勢方酣

再反魯陽之日

淮南子魯陽公與韓構戰戰酣日暮援戈而揮之日反三舍

鼓音不

息三周不注之山

成公元年季孫行父會晉卻克等及齊侯戰於鞏齊師敗績逐之三周華

不魏博軍亦以大旆涉河竟殲師道建十二郡之旗鼓

以列降人削六十年之厲階盡歸王化士賈餘勇軍有



雄名必能稟鄴侯之指蹤

蕭何封鄴侯功臣皆言蕭何未有汗馬之勞上曰諸君知

獵乎諸君徒能得走獸耳功狗也至如蕭何發蹤指示功人也

成葛亮之心伐

諸葛亮南征叅

軍馬謖曰夫用兵之道攻心爲上攻城爲下心戰爲上兵戰爲下

咨汝二帥朕尤注懷

元達守本官克北面招討澤潞使弘敬守本官克東面

招討澤潞使潞府曩者烈祖在藩

烈祖指明皇也

先天啓聖符

瑞昭晰

景龍二年明皇兼潞州別駕前後符瑞凡十九事

績事煥於泗亭

泗水亭班

固有高祖碑并十八侯銘

鑾輅巡游金石烈於代邸

開元十一年正月車駕自東都

北巡至潞州給復五年以故第爲飛龍宮張說有潞州祥瑞頌十九首又有述聖頌云將表潛龍之館勒啓聖

臣乾學曰始吉  
甫謀討兩河畔  
將而德裕獨平  
澤潞餘孽皆以  
三世遺種一朝  
殲滅厥功茂矣  
文特凜烈有風  
霜之色

之圖代邸漢文帝實爲可封之俗久爲仁壽之鄉艱難  
爲代王時之邸也  
以來頗著誠節必非同惡咸許自新其昭義軍舊將士  
及百姓等如保初心並赦而不問昭義軍舊大將等如  
能舍逆效順以州郡兵衆歸降者必厚加封賞如能擒  
送劉稹者別授土地以振勳庸其村鄉百姓如所在團  
結歸順者亦加爵賞劉悟下鄆州舊將校子孫及劉從  
諫近招致將士等喻以善道宜聽朕言凡秉義立名須  
明大順未有忠於所奉上悖君親昔郤至有言受君之

祿是以聚黨有黨而爭命罪孰大焉田橫能得士心人

多致命伏於海島莫敢猖狂及漢高召之奔走向闕唯

慕殉以成仁不相挺而作亂歿延殊寵光顯令名爾等

既有義心宜思改悔如能感喻劉稹束身歸朝必當待

之如初特與洗雪爾等舊校亦並甄酬仍委夷行

河中節度

使陳夷行劉沔河中節度使劉沔使茂元河陽節度使王茂元各務進兵同力攻

討其諸道進軍並不得焚燒廬舍發掘丘墓擒執百姓

以爲俘囚桑麻田苗皆許本戶爲主罪止元惡務安生

靈於戲藩維大臣抗疏於外髦雋舊老昌言於朝戒朕以祖宗之法不可私一族刑賞之柄所以正萬邦宜用甲兵陳於原野雖朕以恩不聽羣臣以義固爭詢自僉謀諒非獲已布告中外明體朕懷主者施行

賜回鶻書意

會昌中回鶻爲黠戛斯所破其可汗溫介特勒南徙侵逼天德欲借

振武城居其部落武宗不許故作書諭之

朕想可汗公主以久修隣好累降嘉姻望我國家如歸親戚朕每弘容納之意固無纖芥之嫌但以將相大臣

累陳公議以可汗代居絕漠臨長諸蕃名聲旣雄部伍  
甚衆今逗畱塞上逼近邊城百姓不安人心疑惑耕種  
盡廢士馬疲勞朕二年以來保護可汗一國內阻公卿  
之議外遏將帥之言朕於可汗心亦至矣可汗亦須深  
見事體早見歸還所求種糧及安存摩尼尋勘退渾党  
項刼掠等事並當應接處置必遣得宜惟是擬借一城  
自古以來未有此事天地以沙漠山河限隔南北想蕃  
中故老亦合備知只如長安東有潼關西有散關南有

藍田關北有蒲關今四海一家天子所都猶有限隔況  
蕃漢殊壤豈可通同且天下者高祖太宗之天下朕守  
祖宗成業常懷兢畏豈敢上違天地之限中隳祖宗之  
法每欲發一號施一令皆告於宗廟不敢自專所借一  
城理絕言議想可汗便須息意勿更披陳其餘令楊觀  
專往視喻朕意

賜回鶻可汗書

回鶻既殘破其王子盟沒斯內  
附詔封爲懷化郡王授天德節

度使烏介可汗怒欲中國縛  
而送之帝不許賜書諭之

溫言撫慰而開諭  
曉晰深得布告諸  
蕃之體

楊觀至覽表欲求糧食牛羊糧食已許自己馬價絹就  
振武和糴三千石緣中國以農爲本最貴耕牛百姓所  
蓄無多常斷屠殺羊則產於北土不出中華惟塞土蕃  
渾各有畜牧朝廷未嘗徵率務使安存今之所求難允  
來意又所請束縛唃沒斯送歸者唃沒斯比自投邊將  
屢獻誠款自本國破亡之初奔迸先至塞上不隨可汗  
公主已是二年慮彼猜嫌自懷憂懼窮迫歸命望朕保  
持未嘗有交構之言離間兩國前可汗已緣失制馭之

道無兼愛之仁侵擾諸蕃肆爲暴虐所以親屬內叛部落外離國破家殘實由於此今可汗失地遠客危難之中尤須追悔前非以安反側若又仁愛不至骨肉相殘可汗左右信臣誰敢自保朕統萬國非止一蕃未附者須務懷柔歸誠者因宜存撫儻狗可汗之意殊乖覆育之恩今已特許歸降止於存其種族必不別有任使授以腹心在可汗不失恩慈於朝廷免虧信義豈不兩全事體深叶良圖况前代以來盡有故事漢朝呼延邪單



于款塞其下大將烏厲屈烏厲溫敦並來降附漢宣帝

封以列侯

漢書呼韓邪單于左大將烏厲屈與父呼邀累烏厲溫敦率其衆數萬人南降漢封烏厲

屈爲新城侯烏厲溫敦爲義陽侯

又國初頡利可汗之破敗也降者甚

衆酋豪首領至朝廷皆拜將軍僅百餘人無不撫納想  
可汗深明朕意勿更再論摩尼教天寶以前中國禁斷  
自累朝緣回鶻敬信始許興行江淮數鎮皆令闡教近  
各得本申奏緣自聞回鶻破亡奉法者因茲懈怠蕃僧  
在彼稍似無依吳楚水鄉人性囂薄信心旣去翕習至

難且佛是大師尚隨緣行教與蒼生緣盡終不為朕  
深念異國遠僧欲其安堵且令於兩都及大原信嚮處  
行教其江淮諸寺權停待回鶻本土安寧即却令如舊

奉宣撰太和公主書

公主憲宗女也穆宗時下嫁回鶻可汗至武宗會昌

中回鶻國亂其部衆奉主至漢南侵掠雲朔諸郡故作書遺之

勅姑遠嫁絕域二十餘年跋履險難備罹屯苦朕每念  
於此良用惻然恭惟太皇太后春秋已高慈愛深厚比  
者望姑朝謁再敘悲歡倏已歲暮寂亡音耗想姑見舊

詞意詳妙有標

國之城邑能不銷魂望漢將之旌麾必當流涕今朔風  
既至霰雪已零絕國蕭條固難久處旃牆罽幕何以禦  
冬肉飯酪漿且非適口朕撫臨萬寓子育羣生一物未  
安終食三歎况姑累年漂泊何日忘懷想姑高明必是  
懸鑑姑承宗廟之餘慶爲王室之懿親先朝割愛降婚  
義寧家國謂回鶻必能禦侮安靜塞垣使邊人子孫不  
見兵革射獵者不敢西向畏軒轅之臺

大荒西經云有軒轅臺射者不

敢西嚮射畏軒轅之臺郭璞注敬難黃帝之神

今回鶻所爲甚不循理蕃渾是

朕之人百姓牛羊亦國家所有因依漢地遂致蕃孽回  
鶻託以私讐恣爲侵掠每馬首南向姑得不畏高祖太  
宗之威靈欲侵擾邊疆姑得不思太皇太后之慈愛爲  
其國母足得指揮若回鶻能不稟命則是棄絕姻好今  
日以後不得以姑爲辭若恃我爲親稟姑教令則須便  
自戢斂以繼舊歡想姑以朕此書喻彼將相使其知分  
更不徇非塞外祁寒且無絲纊朕每御裘服則思彼未  
授衣豈可回鶻請張遂忘親愛今寄冬衣若干具如別

# 錄

賜石雄詔意

會昌三年澤潞節度使劉從諫死其從子稹以郭誼爲謀主遂自立

求節鉞不得發兵反德裕勸武宗討之先是潞州市有男子磬折唱曰石雄七千人至矣因薦石州刺史石雄將七千人以往草詔獎戒之

古者有必勝之將無必勝之人欲立奇功實在謀帥朕

所以求鷙鳥於累百

孔融云鷙鳥累百不如一鷂

得飛將於無雙

李廣

稱飛將軍蕭何曰如韓信者國士無雙

總率諸軍以臨賊境况卿受尺一

之詔初無辨嚴

辨嚴治裝也雄將七千人盤丈八之矛刻期至潞州故曰無辨嚴

詞鋒精整竟以壯鼓旗而新辟壘後幅戒以持重允爲樽俎名言

劉曜圍陳安於隴城安刀矛俱發盪決無前卒戰死果  
隴上爲之歌曰七尺大刀奮如湍丈八蛇矛左右盤

能盪寇眷言勲績沃注予懷近聞從諫時

從諫劉悟之子稹之叔也

百姓相驚云卿以七千兵至數告於衆魄兆於人今天

策向晨已及成軍之候

左傳晉侯圍虢卜偃曰童謠云  
鷄之責責天策煇煇火中成軍

虢公其奔  
果滅虢

龍驤建旂必協渡江之謠

晉書孫皓時童謠  
云阿童復阿童衝

刀浮渡江不畏岸上虎但畏水中龍武帝因加王濬龍  
驤將軍率樓船伐吳遂定秣陵皓出降阿童濬小字

舊史昭然冥符可驗加以天道在乎西北順歲有造福

星煥乎龍庭爲國大慶勉弘方略契此休徵昔鍾會以

二十萬兵頓於劔閣鄧艾衆纔一萬直抵成都

鍾會字士季鄧

艾字士載司馬昭使鍾鄧伐蜀會屯兵劔閣艾從陰平道裹糧而下直抵綿竹蜀不能守遂降

只在決

機豈由衆寡知卿能辦故諭此懷然聞卿每自履軍常

先士卒旣自輕敵未足耀奇朕惜卿一夫之功以定必

擒之計至於小陣不可自行魏武帝嘗戒夏侯妙才曰

妙才夏侯淵字

爲將當有怯時不可但恃勇也當以勇爲本行

之以智計但知任勇一匹夫敵耳

淵後果爲蜀將黃忠所斬

張遼單

身入昌豨家魏武責曰此非大將法

三國志魏武遣遼圍昌豨于東海數

月糧盡議引軍還遼知狝計猶豫乃挑狝與語說降之遼遂單身上三公山入狝家太祖責遼曰此非大將法

也

今卿爲萬人之帥啓十乘之行舉必貴謀動資持重

報國在於平賊不在輕身爲將本於坐籌寧勞陷陣卿

宜以朕之戒嘗自書紳務建功名副茲委遣

賜王宰詔意

宰智興子邠寧慶節度使方討劉稹徙忠武詔以兵出魏博趨磁州

兼統河陽行營進取天井關德裕以宰乘破竹勢不遂取澤州撰詔切責

省所奏差張公輔入澤州潞州亦粗得賊中軍情若許

招誘乞賜詔命事宜具悉劉稹喪父之初已拒朝命旋

詞不過嚴而意甚英決



又焚藝晉絳廬舍侵逼萬善孤軍罪惡貫盈言詞甚悖

自卿全師壓境頻挫其勢尋得天井重關

會昌三年十二月丁巳王

宰引兵攻天井關薛茂卿小戰遽引兵走宰遂克天井關守之

下臨高平危壁邇來頗

自知懼方獻僞詞然天奪其心鬼迷其志宋人已病不

告析骸之情

宣十五年宋使華元夜入楚師登子反之牀起之曰寡君使元以病告曰敝邑易子

而食析骸以爨

朱鮪乞降曾無面縛之效

建武元年九月朱鮪面縛詣河陽光武解

其縛召見之

尚聞張皇叛卒覬望鴻恩不戢羣克徒云繼襲

想卿忠憤必志梟夷况自去年以來頻奄畢今又福星

臣英曰激厲將士在感以大義不事文飾

煥燿正臨天馬

漢天文志房爲天府曰天馬

東漢書云畢爲天網網

羅不善之人房爲明堂方集重華之慶懸象昭晰前史

所書朕奉天道以行誅守祖宗之成法顧茲小寇終不

貸刑亦知晏實是卿之愛弟

王宰生子晏實其父智與愛而子之是時晏實爲磁

州刺史爲劉稹所質宰之顧

將申大義在抑私懷豈無

望不進或爲此故詔及之

詩脊令在原兄弟急難

固慎名器令料其初通信使必謂卿

且駐軍想彼叛徒猶希洗雪乘此討襲必有奇功韓信

襲歷下之軍

酈食其已說下齊信欲止蒯通說信令擊齊信然其計遂渡河襲歷下

李靖

兵事機宜規畫詳  
審非獨運籌之妙  
亦見馭將之權

翦陰山之寇

討吐谷渾

皆因敵心懈弛故得機討不遺想卿

久習兵符備詳虜態便須覆其巢穴不可更有招携劉  
稹縱有表章請自面縛不得便自報答亦須奏聞當務  
遠圖勿拘小信速宜攻討以副朕懷想宜知悉

### 又賜王宰詔意

將帥大略前史備書保境者以守險自固進攻者以過  
險必剋制其死命務須批亢

頸也

今賊在網羅只守巢穴

廣立虛柵多設疑兵蓋謂自防豈暇侵軼且欲偷安歲

月以老王師卿分兵相守果中奸計況卿已得天井尋  
扼咽喉遊刃其間更何顧慮聞天井前後寨柵二十餘  
所以備奔衝如此費兵固須寡力料賊四面設備兵數  
可知卿進大軍便須拒捍何暇更於諸路敢軼封疆以

近事明之足可爲據昨者榆社兵馬

九域志遼州遼山縣有榆社鎮唐之

榆社縣也

盡赴太原自沁至儀五百餘里賊已却得石會

會昌

三年十二月甲戌河東奏克石會關

其間細路至多數旬無備竟不馳突

卿以此揣度可見其情又諸軍都頭各守一寨遷延避

臣士奇曰文饒  
神警機速料事  
明決是時劉稹  
方贊宰子詔中  
坦然信之但貴  
其抑私伸義其  
知人善任使濶  
畧不拘小嫌實  
高人一等矣

寇苟務過時卿若更廣詢謀取其自便必恐撓卿思慮  
難見成功卿宜密度事機自爲心計其賊路逼近州縣  
及當卿腹背受敵之處即須畱兵防守用備寇虞其他  
抽隨大軍併力攻討如此則出其不意必覆妖巢國家  
無徵發之勞計司減饋運之費足得制勝豈在濟師又  
聞每度出兵傷夷不少待其瘡痛皆復不免戰鬪闕人  
今爲卿方圓無所愛惜其陣沒官健如無子弟便別擇  
少壯者克替其亡歿家糧賜亦許不停其傷夷校重有

妨役使者亦任擇人充替其傷夷者仍不停糧非惟感勵士心亦冀漸完兵力卿宜以此宣示使各聞知故令中使專往看卿處置須待事了方得遣回

代劉沔與回鶻宰相頡于伽思書

會昌三年八月二十日大唐河東節度使檢校右僕射

劉沔致書於九姓回鶻

始突厥滅於天寶時後或朝貢皆舊部九姓也其地盡入回紇

故云九姓回紇頡于相公閣下曩者回鶻因延陀之亂歸心中

國太宗親幸靈武納彼降人置瀚海都督

唐旣滅突厥回紇南攻薛

回鶻有功於唐故不用嚴辭誚讓而多勸諭之言以大字小之義也

延陀破之奄有其地貞觀二十年南過賀蘭山臨黃河遣使入貢太宗爲幸靈武受其降款因以回紇等部爲瀚海等六府皋蘭等七州皆以其酋領都督刺史列於內地爰初封植自我深

恩回鶻立國立家莫非唐德皇帝自聞回鶻乖亂繼以

災荒爲紇圻斯所攻

黠戛斯一名紇吃斯又作紇圻斯語音相近

國已殘滅

可汗率傷痍之衆席卷而來朝廷遣告諭之使轂擊於

外誠宜恭聽詔命漸歸漠南國家得以施拯拔之恩成

招携之禮昔呼韓單于亦以離亂歸附漢廷定計之初

則遣子入侍款塞之後又來朝京師

漢宣帝時呼韓單于引衆南近塞

遣子入侍已而求入朝以客禮待之  
令單于位諸侯上贊謁稱臣而不名  
既得爲臣之義實  
展外藩之敬然後漢家擁護出塞救恤加恩况回鶻累  
代稱藩久修臣禮只合先請朝謁自陳艱危太和公主  
穆宗時回鶻請昏

以太和公主女之

是帝室愛女太皇太后夙所鍾念可

汗亦宜遂其情禮便遣入朝雖皇帝不許當勤固請爲  
可憐之意陳自託之誠豈不感明主之心塞華夷之望  
則我之抃恤無所愧懷而乃睥睨邊城桀驁自若邀求  
過望如在本蕃遐邇之人無不驚嘆今又深入邊境殘



虐生人以退渾爲名

吐谷渾部落也回鶻烏介於塞上求助兵糧田年請以沙陀退渾諸

部擊之即此

侵暴未已黎庶伏竄莫敢定居秋稼盈疇不遑

收刈夫欲求大國之援繼姻好之情當務交懽豈宜如

是來書又云蕃人易動難安如忿怒後不可制得只如

回鶻爲紇斡斯所困豈可一日暫忘舉國將相遺骸棄

於草莽累代可汗墳墓隔在天涯固宜泣血枕戈嘗膽

思破大雪冤恥告諭幽魂回鶻忿怒之心合施於彼而

欲滅棄仁義逞志中華天地神祇豈容此事詩云剛亦

臣乾學曰文饒  
貸粟回鶻原非  
傾信其請其後  
令石雄邀擊烏  
介迎還公主回  
鶻遂弱可見廟  
謨先有成算矣  
悉怛謀之死贊

皇終身恨之此  
舉賴武宗專意  
委任奇功克建  
亦君臣相得之  
效云

不吐柔亦不如

大雅烝民篇

回鶻以紇斡斯之強不敢報復

可謂吐剛矣輕退渾之弱惟務傷煞可謂茹柔矣又詩

云君子如怒亂庶遄沮

小雅巧言篇

君子怒以止亂不聞生

亂望相公深思此義勿更輕言今敝邑恃回鶻之信不

憚回鶻之怒若外與中國結怨內爲紇斡斯所排遷集

鳥徙流離蓬轉以沔揣度終難取濟前代郅支單于不

事大漢寄命堅昆尋又遠託康居自成夷滅

郅支單于聞呼韓邪

遣質子亦遣子入侍未幾破堅昆畱都之已又怨漢助  
呼韓邪求侍子漢使谷吉送之郅支殺吉會康居王數

爲烏孫所困迎郅支至康居其後甘延壽與陳湯發兵即康居誅斬郅支往事之戒得不在

懷昔呼韓之敗也其臣伊秩訾勸呼韓稱臣事漢從漢

求節

呼韓邪之敗也左伊秩訾王爲呼韓邪計勸令入朝事漢從漢求助

呼韓納用其策

竟保安全又戎子駒支將預晉盟執政以其有貳親數

於朝駒支乃自稱不侵不叛何惡能爲執政嘉之遽命

即事

左傳襄公十四年會於向爲吳謀楚故也將執戎子駒支范宣子親數諸朝戎子對曰不侵不叛何

惡能爲賦青蠅而退宣子辭

馬使即事於會成愷悌也今相公以雄才偉略匡弼

可汗旣無秩訾之明謹於事大又無駒支之辨自達其

誠而欲絕累代之歡興二國之禍僂雖釋憾何以戴天

又古人云失之東隅收之桑榆

淮南子日至於衡陽是謂隅中又日西日垂景

在樹端謂之桑榆桑榆謂晚也此二句本光武勞馮異語

倘自改悔實未爲晚恐未

嘗思此聊布所懷信之與否幸垂見示不具沔白

爲宰相與李執方書

開成五年十一月魏博節度使何進滔卒其子重順

自稱畱後武宗詔河陽李執方滄州劉約諭朝京師或割地自效不聽宰相與執方書正

此時也○時帝新即位重起兵乃授福王綰節度大使以重順自副賜名弘敬

何司徒

即進滔

項因軍中擾攘起授翰垣推體國之誠動

語直而意婉文特妙於布置

遵朝典罄守藩之禮終保令名遽此淪亡

進滔開成五年卒深

可悼惜聞以監車朝覲貴安物情軍府事令後嗣勾當  
本於忠順固非循私伏以聖上君臨惟新景化施王者  
之號令事貴有名奉祖宗之法度不可輕易旋觀臣節  
豈惜恩榮今公卿之議皆請別命戎帥聖上恩深悼往  
義在安人以司徒之盡忠方垂茂軌想後嗣之善繼必  
有令圖只在鄰近將帥成其美志元和初兩河跋扈之  
勢尚未可懷朝廷制置之宜難於今日李師道兵鋒物

臣杜訥曰字斟  
句酌而直摯坦

白之意自溢行  
間洵辭令之雋  
品

力足以自強猶悉獻吏員請頒貢賦管內鹽法皆歸有  
司瀝款披肝乃授畱務王承宗迷而知復尋自納忠進  
德棣兩州以效誠節故得舉族榮盛一門保安望尚書  
以朝廷公議兩鎮舊體令速効忠自求寵榮不使河朔  
鄰封誤其大計尚書藩方重寄宗室信臣報國之忠仰  
思展用成人之美必當爲忠謀望早布嘉言勤於善誘  
邀其實效勿受詭詞臨事制宜固在明略若未獲要領  
無憚再三待知亦誠方可聞奏但出於雅意不可云某

理輯明確正論肅  
然

等令布此懷其間若須商量者望於判官大將中揀忠  
信有才識人令充使至此伏希鑒悉

論侍講奏孔子門徒事狀

右今月十三日於延英殿陛下謂臣等云侍講稱孔子  
其徒三千亦可謂之朋黨臣等自元和以來嘗聞此說  
幸因聖慈下問輒敢覲縷而言

覲縷委曲貌  
○覲音羅

西漢劉向

云昔孔子與顏回子貢更相稱譽不爲朋黨禹稷與皋  
陶轉相汲引不爲比周何則忠於爲國無邪心也臣嘗

以鯀共工驩兜與舜禹雜處堯朝共工驩兜則爲黨舜禹則不爲黨何者共工驩兜相與比周迭爲掩蔽也如賢人君子則不然忠於國則同心聞於義則同志退而各自行已不可交以私是以趙宣子

趙盾隨會

士繼而納

諫司馬侯

女齊叔

向

羊舌肸

比以事君不爲黨也公孫弘每

與汲黯請間黯先發之弘推其後武帝所言皆聽汲黯雖與公孫弘並進然庭詰云齊人少情譏其布被爲詐則知先發後繼不爲黨矣國史稱太宗嘗與房玄齡圖



雪航趙弼曰朋黨之禍國自古已然讀至此文末幅真可痛哭

事則曰非杜如晦莫能籌之及杜如晦至竟以玄齡之

策此又同心圖國不爲黨也何者爲黨漢書稱朱博陳

咸相爲腹心背公死黨

蕭育少與朱博陳咸爲友著聞當世育與博後有隙不能終

東漢周福房植各以其黨相傾議論相軋故漢朝朋黨

始於甘陵二部

初桓帝受學於甘陵周福及卽位擢福爲尚書時同郡河南尹房植有名當朝

鄉人爲之謠云天下規矩房伯武因師獲印周仲進二

家賓客各樹朋徒由是甘陵有南北部黨人之議自此

始及其盛也謂之鈎黨繼受誅夷以王制言之非不幸

也魏朝何晏丁謐依附曹爽祖尚浮虛使有魏風俗由

臣熙曰事君以忠黨何由立是時牛李互相排擠黨議囂然德裕茲論分別邪正公私可謂窮源探本惜其行不逮言不能免於清議也

茲大壞此皆爲朋黨也

初畢軌鄧颺李勝何晏丁謚皆有才名而急於富貴曹爽數與

親善及輔政驟加引擢以爲腹心

略舉數節以明其類至於歷代朋黨

不可殫言仲尼知季路之不免

孔子聞衛亂曰嗟乎由死矣已而果然

子

游識子張之末仁曾子罪卜商喪親無聞

子夏喪子而失明曾子弔

之子夏哭曰天乎予之無罪也曾子怒曰喪爾親使民未有聞焉爾罪也

夫子罪宰我鑽燧

爲久惡既不掩善固宜稱此又不爲黨也班固稱周室

旣微由是列國公子魏有信陵趙有平原齊有孟嘗楚

有春申抵掌而游談者以四豪爲稱首於是背公死黨

之議成守職奉上之義廢矣此四豪者各有門客三千而謂之黨仲尼三千則不爲黨蓋仲尼之徒惟務仁義不以爵祿爲貴四豪之門惟務譎詐常以勢力相高今侍講欲以奔走權勢之徒攫拿名利之輩比方孔門上哲實罔聖聰臣未知元和以來所謂黨者爲國乎爲身乎若以爲國則隨會叔向汲黯房玄齡之道可得行矣不必聚黨成羣以臣觀之今所謂黨者進則誣善蔽忠附下罔上歛歛相是態不可容退則車馬馳驅唯務權

勢聚於私室朝夜合謀清美之官盡須其黨華要之選不在他人陰附者羽翼自生中立者抑壓不進孔門顏冉豈有是哉陛下以此察之則奸僞自見臣恐更有小人妄陳此說輒舉事例庶裨聰明伏望陛下留臣此狀時賜覽閱所冀小臣瞽說免惑聖心臣不任懇激之至謹錄奏聞

議禮法等大事

右按史記仲尼在位獄訟之詞有可與人共者不獨有

廣諮諏以定國是有識之言

荆川唐順之曰  
先據經義次引  
史策此漢廷章  
奏之準也後世  
朝報進對之文  
所以不可讀者  
皆傷於自爲意  
見遺却經史典  
據耳

也伏以漢魏以來朝廷大政爲令公卿奏議講求理道  
博盡羣情所以政必有經人皆務學著在史策粲然可  
觀臣等商量如有事關禮法羣情凝滯者各望令本司  
申尚書都省下禮官樂官詳議意見不同者任爲別狀  
如是刑獄亦令法官同議然後丞郎以下詳具可否聞  
奏如郎吏有能駁難者皆許上聞並須先據經義其次  
取正史策故事不得自爲意見言涉浮華如禮官樂官  
才識出人議論精當者向後擢授臺省官郎吏別與遷

擢所冀漢魏之風復行今日

論維州事狀

文宗太和五年吐蕃維州副使悉怛謀請降帥衆歸成都德裕以聞

且欲遣生羌擣西戎腹心羣臣請如德裕策牛僧孺持不可詔以其城歸吐蕃執悉怛謀等與之會昌三年德裕追論此事

僧孺處置維州一事守匹夫之小信忘經國之遠圖誠為失計此文可謂論據詳明矣

右臣頃蒙先朝授劔南西川節度使其悉怛謀雖是吐蕃酋長久樂皇風將彼堅城降臣當道臣差行維州刺史虞藏儉便領兵馬入據其城飛章以聞先帝驚喜其時與臣仇者

指牛僧孺

望風疾臣遽興疑言上罔宸聽以為

與吐蕃盟約不可背之必恐將此爲詞侵犯郊境遂詔

臣却還此城兼執送悉怛謀等令彼自戮復降中使迫

促送還昔白起殺降終於杜郵致禍陳湯見按是爲郅

支報仇

漢書湯旣斬郅支以所鹵獲財物入塞多不法司隸校尉繫吏士按驗之湯上疏言臣與吏士

共誅郅支單于今反收繫按驗是爲郅支報仇也

感歎前事愧心終日今者幸

逢英主忝備台司輒敢追論伏希省察且維州據高山

絕頂三面臨江在戎虜平州之衝是漢地入邊之路初

河隴盡沒唯此州獨存吐蕃潛將婦人嫁與此州門子

致堂胡寅曰司  
馬氏伸牛僧孺

抑李德裕其素志也至於維州之事則判然以德裕為非竊謂其言過矣夫維州李唐地也吐蕃所必爭唐失而後得得而復失不可以棄焉者也使本非唐地既與吐蕃和棄而不取姑守信約可耳本唐之地為吐蕃所侵乃欲守區區之信舉險要而

二十年後兩男長成竊開壘門引兵而入遂為所滅號

無憂城從此得併力於西邊更無虞於南路

併力於西邊謂吐蕃

并力以攻岐隴邠涇靈夏也無虞於南路謂西川在吐蕃之南也自長安言之西川亦在劔閣之南若吐蕃寇

蜀則南路自維茂入北路自雋州入憑陵近甸旰食累朝貞元中韋臯以

經略河湟此城為始盡銳萬旅急攻數年吐蕃愛惜既

甚遣其舅論莽熱來救雉堞高峻臨衝難及於層霄鳥

徑屈蟠猛士多麋於礪石莫展公輸之巧空擒莽熱而

還及南蠻負恩掃地驅劫臣初到西蜀衆心未安外揚



素之僭使吐蕃  
舉秦州下鳳翔  
而來講好亦將  
守信而不取乎  
故以維州歸吐  
蕃素祖宗土宇  
縛送悉怛謀沮  
歸附之心僧孺  
以小信妨大計  
也下維州遣兵  
援之洗數十年  
之恥追獎悉怛  
謀贈以官秩德  
裕以大義謀國  
事也此二人是  
非之辨

國威中緝邊備其維州熟臣信令乃送款與臣臣告之  
以須俟奏報貴探情僞其悉怛謀等尋帥城兵并州印  
甲仗塞途相繼空壘來歸臣即大出牙兵受其降禮南  
蠻在列莫敢仰視况西山八國隔在此州北帶使名都  
成虛語諸羌久苦番中徵役願作王人自維州降後皆  
云但得臣信牒帖子便相率內屬其蕃界合水棲雞等  
城翼州有合江守捉城與棲雞城本皆唐地沒於吐蕃既失險阻自須抽歸可減  
八處鎮兵坐收千餘里舊地臣見此有莫大之利爲恢

卧子陳子龍曰  
懷私恨而抑國  
謀阻皇風而張  
虜氣忠臣為國  
能無發憤此衛  
公所以痛心切

復之機所以面許奏聞各加酬賞臣自與錦袍金帶顯

視朝旨且吐蕃維州未降以前一年猶圍逼魯州

魯州河曲

六胡州之一也

在宥州西界以此言之豈守盟約况臣未嘗用兵攻

取彼自感化來降又沮議之人豈思事實犬戎遲鈍土

曠人稀每欲乘秋犯邊皆須數歲聚食臣得維州逾月

未有一使入疆自此之後方應破膽豈有慮其復怨鼓

此游辭臣受降之初指天為誓寧忍將三百餘人性命

棄信累表陳論乞垂矜舍答詔嚴切竟令執還加以體

齒於僇也

臣鴻緒曰牛僧孺力阻維州之降非直守盟約也不過欲敗德裕之成事耳故臣下有水火之

被三木輿於竹畚及將即路冤叫嗚呼將吏對臣無不

隕涕其部送者更遭蕃帥譏誚云既以降彼

言吐蕃謂中國為彼

何須送來乃却將此降人戮於漢界之上恣行殘忍周

固攜離至乃擲其嬰孩承以槍槊臣聞楚靈誘殺蠻子

春秋明譏

昭十六年春楚子誘戎蠻子殺之此楚平王事而德裕以為楚靈似誤

周文收

送鄧叔簡冊致貶

突厥木杆可汗擊柔然鄧叔子滅之叔子收其餘燼奔魏木杆恃其彊請

盡誅鄧叔子等於魏宇文泰收叔子以下三千餘人付其使者盡殺之

况乎大國負此異

族塞忠款之路快凶虐之情從古以來未有此事伏惟

爭即不復顧國  
家事門戶之禍  
亦烈矣

仁聖文武至誠大孝皇帝陛下振睿聖之弘圖得懷徠  
之上策故南蠻申請朝之願北虜效款塞之誠臣實痛  
惜悉怛謀等舉誠向化解辦歸義而未加昆邪之爵

昆邪

王殺休屠王并將其  
衆降漢封濕陰侯

不賞庶其之功

襄二十一年都庶  
其以漆閭丘來奔

季武子以公姑姊妻  
之皆有賜於其從者

翻以忠愛徒爲仇讐所快身遭此

酷名又不彰職由愚臣陷此非罪雖時更一紀而運屬  
千年臣所以具陳根本不憚繁細冀蒙睿鑒追獎忠魂  
伏乞宣付中書各加褒贈冀華夷感德幽顯伸冤警既

六事所陳周詳萬  
弊名言粲然

往之倖心激將來之峻節臣德裕無任懇願之至謹錄

奏聞伏候勅旨

詔贈悉怛謀  
右衛將軍

丹宸六箴

并序寶曆元年德裕爲  
浙西觀察使時所獻

臣聞詩云心乎愛矣遐不謂矣

詩小雅  
隰桑篇

此古之賢人所

以篤於事君者也夫跡疎而言親者危地遠而意忠者

忤然臣竊念拔自先聖偏荷寵光若不愛君以忠則是

上負靈鑒臣頃事先朝屬多陰沴嘗著大明賦以諷頗

蒙先朝嘉納臣今日盡節明主亦由是心昔張敞之守

耕道尹起莘曰  
綱目獻文不苦  
此其書予德裕  
之格君也故金  
鑑錄書丹扆箴  
書非是皆略之

遠郡

張敞爲山陽太守會霍光薨宣帝始親政敞上封事

梅福之在遐徼

福去官歸壽春

數因縣道上言變事

尚竭誠盡規不避尤悔况臣嘗學舊史頗知

箴諷雖在疎遠猶思獻替謹稽首上丹扆六箴具列於

後仰塵睿鑒伏積兢惶宵衣箴曰先王聽政昧爽以俟

雞鳴既盈日出而視伯禹大聖寸陰爲貴

帝王世紀曰堯命禹爲司

空繼鯨治水乃勞身涉勤不重徑尺之壁而愛日之寸陰

光武至仁反支不忌

王充論衡

光武時公車以反支日不受章奏帝聞而怪之曰廢農桑遠詣闕而復拘以禁忌豈爲政之意乎遂蠲其例

無俾姜后獨去簪珥

周宣王夜臥而晏起姜后脫簪珥待罪于永巷彤管記言

臣廷敬曰辭繁者易美約者難以數十言可謂微而達矣德裕不以形迹踈遠替其惓惓蓋臣之思也

克念前志正服箴曰聖人作服法象可觀雖在宴游尚

不懷安汲黯莊色能正不冠

武帝見黯不冠不見

楊阜慨然亦譏

縹紩

魏太祖遣曹洪禦馬超洪置酒大會令女娼著羅縠之衣蹋鼓楊阜厲聲責洪曰男女之別國之大

節何有於廣坐之中裸女入形體遂奮衣辭出

四時所御各有其官非此勿服

惟辟所難罷獻箴曰漢文罷獻詔還駟鑾輅徐驅焉

用千里

漢文帝却千里馬

厥後令王亦能恭己翟裘既焚

晉武帝時

太醫司馬程據上雉頭裘帝命於殿前燒之

筒布則毀

武德六年昆州刺史沈遜融州刺史歐陽

世普象州刺史秦元賢並獻筒中布帝以勞民不受

道德爲麗慈儉爲美不過天

道斯爲至理納誨箴曰惟后納誨以求厥中從善如流

乃能成功漢驚沈酒舉白浮鍾

驚漢成帝名帝嘗與張放等宴飲禁中皆引滿

舉白談笑大噱魏叡侈汰凌霄作宮

叡魏明帝名帝好土工大營宮室起凌雲臺

忠

雖不忤不善亦從以規爲瑱

國語是以規爲瑱也言塞耳不聽諫

是謂塞

聰辨邪箴曰居上處深在察微萌雖有讒慝不能蔽明

漢之孝昭叡過周成上書知詐照奸得情燕蓋旣折

燕王

旦蓋公主皆以謀反見誅

王猷洽平百代之後乃雷淑聲防微箴曰

天子之孝敬遵王度安必思危乃無遺慮亂臣猖獗非



可遽數玄服莫辨觸瑟始仆

漢武帝幸林光宮旦未起  
莽何羅衣玄服袖白刃走

趨臥內以急遽觸寶瑟而仆金日磾抱持縛之栢谷微行豺豕塞路覩貌獻殮  
漢武帝微行夜至栢谷逆旅主人疑爲姦盜欲攻斯可  
之主入嫗覩上狀貌而異之乃殺雞爲食以獻上斯可  
戒懼帝覽箴手詔答曰卿文雅大臣方隅重寄表率諸  
部肅清全吳化洽行春風澄坐嘯眷言善政想歎  
在懷卿之宗門累著聲績冠內庭者兩代襲侯伯者六  
朝果能激愛君之誠喻詩人之旨在遠而不忘忠告諷  
上而常深慮微博我以端躬約余以循禮三復規諫累  
夕稱嗟致之坐隅用比韋絰之益銘諸心腑何啻藥石  
之功卿旣已投誠朕每懷開諫苟有過舉無忘  
密陳山川旣遐眷矚何已必當勉已以副朕懷

# 臣子論

立功立節兩言已  
括臣道而又以名  
節為本洵為卓爾  
之見

士之有氣志而思富貴者必能建功業有志氣而輕爵  
祿者必能立名節二者雖其志不同然時危世亂皆人  
君之所急也何者非好功業不能以戡亂非重名節不  
能以死難此其梗槩也好功業者當理平之世或能思  
亂唯重名節者理亂皆可以大任平澹和雅世所謂君  
子者居平必不能急公理煩遭難亦不能捐軀濟危可  
以羽儀朝廷潤色名教如宗廟瑚璉園林鴻鵠雖不常  
爲人用而自然可貴也然世亦有不拘小疵而能全大

西涯李東陽曰  
才全德備大賢  
以上乃可幾之  
此文較量前世  
功名之士不無  
出入於名節之  
間蓋欲使用人  
者知所容耳非  
為矜功自肆之  
人藉口也末數  
句當時必有所  
指

節者如陳平背楚歸漢漢王疑其多心令護諸將又疑

其受金可謂不能以名節自固矣及功成封侯辭曰非

魏無知臣安得進漢高曰若子可謂不背本矣其後竟

誅諸呂以安劉氏近日宰相上官儀詩多浮艷時人稱

爲上官體實爲正人所病及高宗之初竟以謀廢武后

心存王室至於宗族受禍

麟德元年高宗與儀謀廢武后后遽詣上自訴上恐后怨

怒給之曰我初無此心皆上官儀教我后於是使許敬  
宗誣奏儀與王伏勝故太子忠謀大逆儀與子庭芝皆

死籍沒

郭代公

郭元振倜儻不羈之士也少不以名節自

檢當蕭岑內難

蕭至忠  
岑義

保護睿宗雖履危機竟全臣節

開元元年七月玄宗與岐王範薛王業郭元振等執至忠義於朝堂斬之則名節之間不可以一槩論也陳平能不背魏無知所以必不負漢王矣  
今士之背本者人君豈可保之哉

忠諫論

人君拒諫有二一曰生於愛名二曰不能去欲雖桀紂桓靈之君未能忘名自知爲惡多矣畏天下之人知之將謂諫則惡不可掩故不欲人之諫已如晉獻非驪姬

多引事實略發辨  
議而意已明

正學方孝孺曰  
欲道行而辭婉  
纔是本乎誠心  
勿欺乃犯若老  
泉欲使龍比學  
蘇張之舌則全  
以權譎用事失  
之遠矣

寢不安齊桓非易牙食不美必不能去之亦不欲人諫

已人臣忠諫亦有二欲道行於君可使身安國理者其

辭婉欲名高後世不顧身危國傾者其辭訐若考叔啓

大隧以成莊公之孝倉唐獻犬鴈以復文侯之愛

魏文侯封

太子擊於中山舍人趙倉唐請以文侯之所嗜晨鳧北  
犬獻之文侯大悅乃復太子擊而出少子摯於中山

畱侯封雍齒以安羣臣招四皓以定惠帝此所謂婉也

諫大夫言婢不爲主

漢成帝欲立趙婕妤爲后劉輔諫曰腐木不可以爲柱卑人不可以

爲主白馬令言帝欲不諦後漢桓帝寵中常侍單超等白馬令李雲上書曰帝者諦也今

官位錯亂政化日損是  
帝欲不諱乎帝震怒

激主之怒自有其名望其聽從

固不可得此所謂訐也漢元帝欲御樓船薛廣德當乘  
輿諫曰臣自刎以血污車輪則陛下不入廟矣張猛曰  
乘船危就橋安聖主不乘危元帝曰曉人不當如是耶  
則知諫之道在於婉矣唯英主能從諫何者自知功德  
及生人者大矣雖有小惡不諱人言如漢高械繫蕭相  
國及聞王衛尉之言漢百官公卿表衛尉王氏無名字乃曰我不過爲  
桀紂主而相國爲賢相此所謂不諱也近日名臣王石

切於唐李一時之  
事實千古之龜鑑  
也

泉

王方慶世封石  
泉故稱王石泉

居相時子爲眉州司士天后嘗問曰

卿在相位子何遠乎對曰廬陵是陛下愛子今猶在遠  
臣之子焉敢相近有以見君子之心亦倉唐之比也

### 近倖論

自古中主以降皆安於近習疎遠忠良其主非不知君  
子可親小人可去而不改者其蔽有二一曰性相近二  
曰嗜慾深桓靈之主與小人氣合如水之走下火之就  
燥皆自然而親結不可解也侯覽張讓所以得蔽君矣


元成二后皆有所嗜吹簫撾鼓之娛微行沉湎之樂非  
倖臣無以承意非近習無以近歡弘恭石顯所以得蠹  
政矣唯人君少欲英明者則能反是如文帝雖有鄧通  
趙談所信者賈誼張釋之爰盜此所謂少欲也武帝雖  
有韓嫣李延年而所貴者公孫弘倪寬卜式此所謂英  
明也故君聽不惑政無頗類近則開元初內有姜皎崔  
滌以極宮中之樂外有姚崇盧懷慎蘇頔宋璟以修天下  
之政得元成之欲享舜禹之名六合晏然千古莫及其



故何也倖臣不得干政事也後代能如漢之文武及開  
元致理之要雖有倖臣亦何害於理哉



御選古文淵鑒卷三十九



總校官庶吉士臣張能照

校對官學正臣吳垣

膳錄監生臣劉廷勲

欽定四庫全書薈要

集部

御選古文淵鑒卷四十

欽定四庫全書薈要

御選古文淵鑒卷四十目錄

唐



罪言

原十六衛

戰論

守論

燕將傳

鄭亞

唐丞相太尉衛國公李德裕會昌一品制集序

孫樵

復佛寺奏

書何易于

書褒城驛

孫氏西齋錄

李商隱

爲濮陽公檄劉稹文

羅隱

上招討宋將軍書

陸龜蒙

復友生論文書

皮日休

請孟子爲學科書

請韓文公配鄉食書

沈顏

象刑解

御選古文淵鑒卷四十目錄



欽定四庫全書薈要卷一萬七千一百九十三集部

御選古文淵鑒卷四十

內閣學士兼禮部侍郎教習庶吉士臣徐乾學等奉

旨編注

唐

杜牧

字牧之京兆人太和中進士舉賢良方正歷官監察御史進中書舍人

罪言

是時劉從諫守澤潞何進滔據魏博頗驕寔不循法度牧追咎長慶以來朝廷措置

亡術復失山東鉅封劇鎮所以繫天下輕重不得承襲輕授皆國家大事嫌不當位而言

實有

罪

綜天下之情形權  
累朝之得失如聚  
米畫沙不與尺寸

國家大事某不當言實言之有罪故作罪言生人常病  
兵兵祖於山東循於天下不得山東兵不可死山東之  
地禹畫九土一曰冀州舜以其分太大離爲幽州爲并  
州程其水土與河南等常重十一二故其人沈鷙多材  
力重許可能辛苦自魏晉已下循淳羨淫工機纖雜意  
態百出俗益卑弊人益脆弱唯山東敦五種本兵矢他  
不能蕩而自若也復產健馬下者日馳二百里所以兵

聞修王志堅曰  
朱全忠有事克  
鄆必先結羅弘  
信得魏而天下  
更無能與梁抗  
者唐莊宗用兵  
累年不能大勝  
得魏而取汴如  
寄當時大勢在  
魏可知已牧之  
此論已預見得

常當天下冀州以其恃強不循理冀其必破弱雖已破

冀其復強大也并州力足以并吞也幽州陰慘殺也故

聖人因其風俗以爲之名黃帝時蚩尤爲兵階自後帝

王多居其地豈尚其俗都之邪自周劣齊霸不一世晉

文常傭役諸侯至秦萃銳三晉經六世乃能得韓遂折

天下脊復得趙因拾取諸國秦末韓信聯齊有之故蒯

通知漢楚輕重在信光武始於上谷成於鄣魏武舉官

渡在今河南中牟縣縣有官渡城卽曹操袁紹相持官渡口三分天下有其二晉亂

閻公餘字遠曰  
牧之歷憲成敗  
見其如此非浪  
語者

胡作至宋武號爲英雄得蜀得關中盡得河南地十分  
天下有八然不能使一人渡河以窺胡至於高齊荒蕩  
宇文取得隋文因以滅陳五百年間天下乃一家隋文  
非宋武敵也是宋不得山東隋得山東故隋爲王宋爲  
霸由此言之山東王者不得不可爲王霸者不得不可  
爲霸猾賊得之是以致天下不安國家天寶末燕盜徐  
起出入成臯函潼間若涉無人地郭李輩常以兵五十  
萬不能過鄴自爾一百餘城天下力盡不得尺寸人望

之若回鶻吐蕃義無有敢窺者國家因之畫河修障戍  
塞其術蹊齊魯梁蔡被其風流因亦爲寇以裏拓表以  
表撐裏混頤迴轉

頤洪上聲

顛倒橫斜未嘗五年間不戰生

人日頓委四夷日昌熾天子因之幸陝幸漢中焦焦然  
七十餘年矣嗚呼運遭孝武澣衣一肉不畋不樂自卑  
冗中拔取將相凡十三年乃能盡得河南山西地洗削  
更革罔不順適唯山東不服亦再攻之皆不利以返豈  
天使生人未至於帖泰邪豈其人謀未至邪何其艱哉

臣乾學曰上策  
莫如自治千古  
理平之要不獨  
為長慶君臣議  
也其筆勢放縱  
蘇氏父子近之  
而牧之氣較道  
上力追子長

何其艱哉今日天子聖明超出古昔志於理平若欲悉  
使生人無事其要在先去兵不得山東兵不可去是兵  
殺人無有已也今者上策莫如自治何者當貞元時山  
東有燕趙魏叛河南有齊蔡叛梁徐陳汝白馬津盟津  
襄鄧安黃壽春皆戍厚兵凡此十餘所纔足自護治所  
實不輟一人以他使遂使我力解勢弛熟視不軌者無  
可奈何階此蜀亦叛吳亦叛其他未叛者皆迎時上下  
不可保信自元和初至今二十九年間得蜀得吳得蔡

得齊凡收郡縣二百餘城所未能得唯山東百城耳土地人戶財物甲兵校之往年豈不綽綽乎亦足自以爲治也法令制度品式條章果自治乎賢才奸惡搜選置捨果自治乎障戍鎮守干戈車馬果自治乎井閭阡陌倉廩財賦果自治乎如不果自治是助虜爲虐環土三千里植根七十年復有天下陰爲之助則安可以取故曰上策莫如自治中策莫如取魏魏於山東最重於河南亦最重何者魏在山東以其能遮趙也旣不可越魏

以取趙固不可越趙以取燕是燕趙常取重於魏魏常

操燕趙之性命也故魏在山東最重黎陽距白馬津三

十里新鄉距盟津一百五十里

黎陽新鄉並屬衛州

陴壘相望朝

駕暮戰是二津虜能潰一則馳入成臯不數日間故魏

於河南間亦最重今者願以近事明之元和中纂天下

兵誅蔡

吳元濟

誅齊

李師道

頓之五年無山東憂者以能得

魏也

田宏止來降

昨日誅滄頓之三年無山東憂者亦以能

得魏也

史憲誠來降

長慶初誅趙

王廷湊之變

一日五諸侯兵四



出潰解以失魏也

田布死

昨日誅趙一日罷如長慶時亦

以失魏也

李聽敗

故河南山東之輕重常懸在魏明白可

知也非魏强大能致如此地形使然也故曰取魏爲中

策最下策爲浪戰不計地勢不審攻守是也兵多粟多

敵人使戰者便於守兵少粟少人不敵自戰者便於戰

故我常失於戰虜常困於守山東之人叛且三五世矣

今之後生所見言語舉止無非叛也以爲事理正當如

此沈酣入骨髓無以爲非者指示順向詆侵族嚮語曰

叛去酋酋起矣至於有圍急食盡餒屍以戰以此爲俗  
豈可與決一勝一負哉自十餘年來凡三收趙食盡且  
下堯山敗郝士美趙復振下博敗杜叔良趙復振館陶敗李聽  
趙復振故不計地勢不審攻守爲浪戰最下策也

原十六衛

府兵與諸鎮相爲  
輕重而唐之興廢  
即因之朔源窮委  
論斷獨精

國家始踵隋制開十六衛將軍總三十員屬官總一百  
二十八員署守分部夾峙禁省厥初歷今未始替削然  
自今觀之設官言無謂者其十六衛乎本原事跡其實

德頌林駒曰唐  
之十六衛已備  
漢人南北軍之  
制漢以衛尉護  
南軍以金吾巡  
北軍今十六衛

天下之大命也始自貞觀中既武遂文內以十六衛畜

養武臣

褒公鄂公之徒  
並爲諸衛將軍

外開折衝果毅府五百七十四

以儲兵伍或有不幸方二千里爲寇土數十百萬人  
爲寇兵蠻夷戎狄踐踏四作此時戎臣當提兵居外至  
如天下平一暴敷消削單車一符將命四走莫不信順  
此時戎臣當提兵居內當其居內也官爲將軍綬有朱  
紫章有金銀千百騎趨奉朝謁第觀車馬歌兒舞女念  
功賞勞出於曲賜所部之兵散舍諸府上府不越一千

已有金吾將軍掌京城巡警是北軍已寓其間觀白樂天羽林將軍之制所謂國家設十六衛猶漢之有南北軍其知之矣自六軍禁衛皆用市人其選始輕祿山吐蕃之變神策禁軍外入赴難國家遂以倚重以中人主之其勢益橫北衙既橫之後外

二百人凡有四百萬五百七十四府三時耕稼襍糗糗即糗也糗打穀

具一時治武騎劒兵天裨衛以課父兄相言不得業他

籍藏將府伍散田畝力解勢破人人自愛雖有蚩尤爲師帥亦不可使爲亂耳及其當居外也緣部之兵被檄乃來受命於朝不見妻子斧鉞在前爵賞在後以首爭首以力搏力飄暴交梓豈暇異略雖有蚩尤爲師帥亦無能爲叛也自貞觀至於開元末百三十年間戎臣兵伍未始逆篡此聖人所能柄統輕重制障表裏聖算神

庭諸臣莫之誰  
何蕭復言之而  
不見聽高元裕  
諫之而不及用  
推原其故皆外  
臣不與禁軍專  
歸宦者其禍至  
是也

瓊山丘濬曰府  
兵之制居無事

術也至於開元末愚儒秦章曰天下文勝矣請罷府兵

詔曰可武夫秦章曰天下力強矣請搏四夷詔曰可於

是府兵內剷邊兵外作戎臣兵伍湍奔矢往言其疾也內無

一人矣起遼走蜀繚絡萬里事五強寇奚契丹吐蕃雲南大石國十

餘年中亡百萬人尾大中乾成燕偏重而天下掀然根

萌燼燃七聖旰食天寶以來七帝求欲除之且不能也由此觀

之戎臣兵伍豈可一日使出落鈐鍵哉然爲國者不能

無也居外則叛韓黥七國及祿山僕固懷恩是也居內則篡莽卓曹馬已下是也

時耕於其野菴  
上者宿衛京師  
而已若四方有  
事則命將以出  
事解而罷兵散  
於府將歸於朝  
故士不失業而  
將帥無握兵之  
重所以防微杜  
漸絕禍亂之原  
也嗚呼太宗遠  
矣而子孫不能  
守唐遂以衰而  
至於亡後之世  
主其於祖宗之  
法固不可輕改

使外不叛內不篡兵不離伍無自焚之患將保頸領無烹狗之論古今已還法術最長其置府立衛乎近代已來於其將也弊復爲甚人器曰廷詔命將矣名出視之率市兒輩蓋多賂金玉負倚幽陰折券交貨所能也絕不識父兄禮義之教復無慷慨感槩之氣百城千里一朝得之其強傑懷教者則撓削法制不使縛已斬族忠良不使違已力壹勢便罔不爲寇其陰泥去聲巧狡者亦能家算口斂委於邪倖由卿市公去郡得都四履所治

而於兵尤當加  
慎重焉

臣鴻緒曰唐初  
府兵之設最為  
得策一變而為  
彍騎再變而為  
名募遂成藩鎮  
之患宜樊川激  
切言之

指爲別館或一夫不幸而壽則憂

擊也

割生人略市天下

是以天下每每兵亂涌溢齊人乾耗

齊人猶言平民也

鄉黨風

俗淫窳衰薄

窳惡也音輿

教化恩澤擁抑不下召來灾沴被

及牛馬嗟乎自愚而知之人其盡知之乎且武者任誅

如天時有秋文者任治如天時有春是天不能倒春秋

是豪傑不能總文武是此輩受鉞誅暴乎曰於是乎在

某人行教乎曰於是乎在欲禍蠹不作者未之有也伏

惟文皇帝十六衛之旨誰復而原其實天下之大命也

故作原十六衛

戰論

兵非危也穀非殫也而戰必挫北是曰不循其道也故  
作戰論焉

四支五敗字字精  
確而文亦磊砢自  
喜

論曰河北視天下猶珠璣也天下視河北猶四支也珠  
璣苟無豈不活身四支苟去吾不知其爲人何以言之  
夫河北者俗儉風渾淫巧不生朴毅堅強果於戰耕名  
城堅壘客薛相貫

客薛山高貌  
客音額薛音薛

○高山大河盤互交



疊山謝枋得曰  
唐自府兵既弛  
藩鎮跋扈要君  
者皆是羈縻奉  
命者十二三耳  
此論若當時振  
起行之未必不  
可反危為安不  
徒文字嚴卓可  
垂也

鎖加以土息健馬便於馳敵是以出則勝處則饒不窺  
天下之產自可封殖亦猶大農之家不待珠璣然後以  
爲富也天下無河北則不可河北既虜則精甲銳卒利  
刃良弓健馬無有也卒然夷狄驚四邊摩封疆出表裏  
吾何以禦之是天下一支兵去矣河東盟津滑臺大梁  
彭城東平盡宿厚兵以塞虜衝是六郡之師嚴飭護疆  
不可他使是天下二支兵去矣六郡之師厥數三億低  
首仰給橫拱不爲則緣淮已北循河之南東盡海西叩

臣英曰論河北之勢甚重騎兵靈餉當時強弱之形畧見矣

洛經數千里赤地盡取纔能應費是天下三支財去矣  
咸陽西北戎夷大屯嚇呼臙臊徹於帝居周秦單師不  
能排闢於是盡剗吳越荆楚之饒以啖兵戎是天下四  
支財去矣乃使吾用度不周徵徭不常無以膏齊民無  
以接四夷禮樂刑政不暇修治品式條章不能備具是  
天下四支盡解頭腹兀然而已焉有人解四支其自以  
能久爲安乎今者誠能治其五敗則一戰可定四支可  
生夫天下無事之時殿寄大臣偷處榮逸爲家治具戰

士離落兵甲鈍弊車騎削弱而未嘗爲之簡帖整飭天下雜然盜發則疾毆疾戰此宿敗之師也何爲而不北乎是不蒐練之過者其敗一也夫百人荷戈仰食縣官則挾千夫之名大將小裨操其餘贏以虜壯爲幸以師老爲娛是執兵者常少糜食者常多築壘未乾公囊已虛此不責實料食之過其敗二也夫戰輒小勝則張皇其功奔走獻狀以邀上賞或一日再賜一月累封凱旋未歌書品已崇爵命極矣田宅廣矣金繒溢矣子孫官

矣焉肯搜竒外死勤於我矣此賞厚之過其敗三也夫  
多喪兵士顛翻大都則跳身而來刺邦而去迴眎刀鋸  
菜色甚安一歲未更旋已立於壇墀之上矣此輕罰之  
過其敗四也夫大將將兵柄不得專恩臣詰責第來撫  
之至如鏜然將陣殷然將鼓一則曰必爲偃月一則曰  
必爲魚麗偃月魚麗  
皆陣名三軍萬夫環旋翔佯悞駭之間虜  
騎乘之遂取吾之鼓旗此不專任責成之過其敗五也  
元和時天子急太平嚴約以律下常團兵數十萬以誅

蔡天下乾耗四歲然後能取此蓋五敗不去也長慶初

盜據子孫悉來走命是內地無事天子寬禁厚恩與人

休息未幾而燕趙甚亂

是時王庭湊反於成德朱克融反於平盧史憲誠逼殺田布於

魏博由是再失河朔

引師起將五敗益甚登壇注意之臣死竄且

不暇

杜叔良爲橫海節度使將諸道兵與鎮人戰大敗於博野脫身還營喪其旌節

復焉能加

威於反虜哉今者誠欲調持干戈洒掃垢汙以爲萬世

安而乃踵前非是不可爲也古之政有不善士傳言庶

人謗發是論者亦且將書於謗木傳於士大夫非偶而

已

守論

往年兩河盜起屠囚大臣刼戮二千石國家不議誅迺東兵自守反修大歷貞元故事而行姑息之政是使叛臣益橫終唱患禍故作守論焉

論曰厥今天下何如哉干戈朽鉞鉞鈍舍宏混貸煦育逆孽殆爲故常而執事大人曾不歷算周思以爲宿謀方且嵬岸抑揚自以爲廣大繁昌莫已若也嗚呼其不

風規峻邁文光焰  
然

登山謝枋得曰  
指畫禍亂本根  
皆必至之理文  
字嚴緊無矜張  
之氣

知乎其俟蹇頓顛傾而後爲之支計乎且天下幾里列  
郡幾所而自河已北蟠城數百金堅蔓織角奔爲寇伺  
吾人之憔悴天時之不利則將與其朋伍羅絡郡國將  
駭亂吾民於掌股之上耳今者及吾之壯不圖擒取而  
乃偷處恬逸次第相符以爲後世子孫背脅疽根此復  
何也今之議者咸曰夫倔强之徒吾以良將勁兵爲銜  
策高位美爵克飽其腸安而不撓外而不拘亦猶豢擾  
虎狼而不拂其心則忿氣不萌此大歷貞元所以守邦

臣士奇曰論者往往以晁錯削諸侯庾亮召蘇峻為生事之戒不知見可知難亦有其時唐以天下全力養成河北諸鎮之弊因循姑息之病也

也亦何必疾戰焚煎吾民然後以為快也愚曰大歷貞元年之間適以此為禍也當是之時有城數十千百卒夫則朝廷待之貸以法故於是乎濶視大言自樹一家破制削法角為尊奢天子養威而不問有司守恬而不呵王侯通爵越錄受之覲聘不來几杖扶之逆息虜循皇子嬪之裝緣采飾無不備之是以地益廣兵益強僭擬益甚侈心益昌於是土田名器分劃大盡而賊夫貪心未及畔岸遂有淫名越號或帝或王盟詛自立恬淡



不畏走兵四略以飽其志者也是以趙魏燕齊卓起大

倡梁蔡吳蜀躡而和之其餘混潁軒囂

振動不寧之意

欲相效

者往往而是運遭孝武

武宗

宵旰不忘前英後傑夕思朝

議故能大者誅鋤小者惠來不然周秦之郊幾爲犯獵

哉大抵生人油然多欲欲而不得則怒怒則爭亂隨之

是以教答於家刑罰於國征伐於天下此所以裁其欲

而塞其爭也大歷貞元之間盡反此道提區區之有而

塞無涯之爭是以首尾指支

古肢字

幾不能相運掉也今

者不知此非而反用以爲經愚見爲盜者非止於河北而已嗚呼大歷貞元守邦之術永戒之哉

燕將傳

筆力陡健極似戰國策中文字

談忠者絳人也祖瑤天寶末令內黃死燕寇忠豪健善兵始去燕燕牧劉濟與二千人障白狼口後將漁陽軍

畱范陽元和五年中黃門出禁兵伐趙

使吐突承璀討王承宗也魏

牧田季安合其徒曰師不跨河二十五年矣

自德宗討田悅不克

王師不復跨河今一旦越魏伐趙趙誠虜魏亦虜矣計爲之何

其徒有超佐伍而言曰願借騎五千以除君憂季安大呼曰壯夫哉兵決出格沮者斬忠時爲燕使魏知其謀乃入謂季安曰某之謀是引天下之兵也何者往年王師取蜀取吳算不失一自相臣之謀今王師越魏伐趙不使耆臣宿將而專付中臣不輸天下之甲而多出秦甲君知誰爲之謀此乃天子自爲之謀欲將誇服於臣下也今若師未叩趙而先碎於魏是上之謀反不如下且能不恥於天下乎既恥且怒於是任智畫策仗猛將

臣熙曰純以國  
策叙事為傳錄  
中變體筆力隋  
勁詞句語屈更  
欲自成一家

練精兵畢力再舉涉河鑒前之敗必不越魏而伐趙校

罪輕重必不先趙而後魏是上不上下不下當魏而來

也季安曰然則若之何忠曰王師入魏君厚犒之於是

悉甲壓境號曰伐趙則可陰遺趙人書曰魏苦趙則河

北義士謂魏賣友魏若與趙則河南忠臣謂魏反君賣

友反君之名魏不忍受執事若能陰解罍障遺魏一城

魏得持之奏捷天子以為符信此乃使魏北得以奉趙

西得以為臣

長安在魏西

於趙有角尖之耗於魏獲希世之

利執事豈能無意於趙乎趙人脫不拒君是魏霸基安  
矣季安曰善先生之來是天眷魏也遂用忠之謀與趙  
陰計得其堂陽忠歸燕謀欲激燕伐趙會劉濟合諸將  
曰天子知我怨趙今命我伐之趙亦必大備我伐與不  
伐孰利忠疾對曰天子終不使我伐趙趙亦不備燕劉  
濟怒曰爾何不直言濟以趙叛命忠繫獄因使人視趙  
果不備燕後一日詔果來曰燕南有趙北有胡胡猛趙  
孱不可捨胡而事趙也燕其爲予謹護北疆勿使予復

掛胡憂而得專心於趙此亦燕之功也劉濟乃解獄召

忠曰信如子斷矣何以知之忠曰潞牧盧從史外親燕

內實忌之外絕趙內實與之此爲趙畫曰燕以趙爲障

雖怨趙必不殘趙不必爲備一旦視趙不敢抗燕二且

使燕獲疑天子趙人既不備燕潞人則走告於天子曰

燕厚怨趙今趙見伐而不備燕是燕反與趙也此所以

知天子終不使君伐趙趙亦必不備燕劉濟曰今則奈

何忠曰燕趙孕怨

自朱滔以來  
燕趙交惡

天下無不知今天子伐

趙君坐全燕之甲一人未濟易水此正使潞人將燕賣  
恩於趙敗忠於上兩皆售也是燕持忠義之心卒染私  
趙之口不見德於趙人惡聲徒嘈嘈於天下耳惟君熟  
思之劉濟曰吾知之矣乃下令軍中曰五日畢出後者  
醢以徇濟乃自將七萬人南伐趙屠饒陽東鹿二縣屬深州  
殺萬人暴卒於師濟子總襲職忠復用事元和十四年  
春趙人獻城十二德州管平原安陵長和棣州管厭次河陽信蓆平昌將陵蒲臺激口冬  
誅齊三分其地忠因說總曰凡天地數窮合必離離必

合河北與天下相離六十年矣此亦數之窮也必與天

下復合且建中時

建中德宗年號

朱泚搏天子狩畿甸李希烈

僭於梁王武俊稱趙朱滔稱冀田悅稱魏李納稱齊郡

國往往弄兵者低目而視當此之時可謂危矣然天下

卒於無事自元和以來劉闢守蜀棧道劔閣自以爲子

孫世世之地然甲卒三萬數月見羈李錡橫大江撫石

頭全吳之兵不得一戰反束縛帳下田季安守魏盧從

史守潞皆天下之精甲駕趙爲騎鼎力相視可謂強矣



然從史繞塹五十里萬戟自護身如大醉忽在檻車季

安死墳杵未收家爲逐客蔡人被重葉之甲圓三石之

弦持九尺之刃突前跳後卒如搏鶚一可支百者累數

萬人四歲不北二三可爲堅矣然夜半大雪忽失其城

齊人經地數千重倚渤海墻泰山塹大河精甲數萬鈐

劒其阨可謂安矣然兵折於潭趙地名鄆西六十里首竿於都

市謂李師道此皆君之自見亦非人力所能及蓋上帝神兵

下來誅之耳今天子巨謀纖計必平章於大臣鋪樂張

獵未嘗戴星俳優顓翫之臣

諸臣也顓音魂去聲

顏澁不展縮衣

節口以賞戰士此志豈須臾忘於天下哉今國兵駸駸  
北來趙人已獻城十二助魏破齊惟燕未得一日之勞  
爲子孫壽後世其能帖帖無事乎吾深爲君憂之總泣  
且拜曰自數月已來未聞先生之言今者幸枉大教吾  
心定矣明年春劉總出燕卒於趙忠護總喪未數日亦  
卒年六十四官至御史大夫忠弟憲前范陽安次令持  
兄喪歸葬於絳常往來長安間元年孟夏某遇於馮翊

屬縣北衛中因吐其兄之狀某因直書其事至於褒貶之間俟學春秋者焉

鄭亞

字子佐榮陽人元和十五年擢進士第又應賢良方正直言極諫制科又以書判拔萃數

歲之內連中三科會昌初監察御史累遷中丞給事中觀察使

唐丞相太尉衛國公李德裕會昌一品制集序

綸紼之興

紼與綳同

載籍之始唐虞之盛二典存焉夏殷之

隆厥有訓誥自徭征甘誓乃有誓命之書皆三代之文

一王之法也虞夏之際代祀綿遠其代工掌制之名氏

本以讚德裕之制  
作而益見國家功  
德之崇隆品裁弘  
廓筆墨皆堂

敬所王宗沐曰  
近日應酬全書  
不觀魚味平生  
重寶一臨嘉言  
即付其高者縱  
能陡發議論自  
成佳篇不知與  
其人其書何所

莫得而知至於成湯太甲則有仲虺伊尹爲之訓誥高  
宗得傳說則有說命之篇周公召公相成王則有洛誥  
酒誥周官顧命漢興當秦焚書之後侍從之臣皆不習  
文史蕭曹之輩又乏儒墨之用每封功臣建子弟其辭  
多天子爲之縱委於執翰者亦非彰灼知名之士武帝  
使司馬相如視草率皆文章之流以相如非將相器也  
厥後寢微寢長下至魏晉亦代有其人我高祖革隋文  
物大備在貞觀中則顏公師古岑公文本興焉在天后

取也此序尚有  
古人序體可振  
頽俗

時則李公嶠崔公融出焉燕許

燕公張說  
許公蘇頌

角立於玄宗

之朝常楊

常袞  
楊綰

繼美於代宗之世洎憲宗皇帝英武啓

運雄圖赫張中興之業高映前古其時則先太師忠公

宰相李吉甫

翱翔內署有密勿贊佐之績平吳

李錡  
之亂

定

德裕之父

蜀平劉實惟其功及登樞衡作霖雨尊王室卑諸侯圖

蜀

平劉  
闢

實惟其功及登樞衡作霖雨尊王室卑諸侯圖

蔡

吳少  
陽

料齊

李師  
道

外定內理顯王言於典誥彰帝範於

圖籍紀在徽冊播於無窮特進太子少保分司東都衛

公長慶中事惠皇

穆宗睿聖文  
惠孝皇帝

爲翰林學士訓誥之

業彰於傳聞

穆宗顧德裕厚凡號令大典冊皆更其手

昭肅皇帝

武宗至道昭肅孝皇

帝統握乾符寤寐良弼詔自淮海復升台庭盡付玄機

允厭神度每彤墀奏罷別承天睠帝亦講伊訓說命之

旨定元首股肱之契以太平之制度上古之文教咸屬

於公焉會先太后懿號未立帝明發有永懷之痛公述

沙麓

春秋沙麓崩晉史卜之六百四十五年生聖女後生王政君爲漢元后

神井之瑞贊

繞樞懷日之慶

黃帝母附寶見大電繞北斗樞星漢武帝母王皇后夢日入懷

懋遵聖

緒光慰孝思於是承命有宣懿祔廟之制及武宗郊昊

臣廷敬曰遼事  
揚厲瑰偉商皇  
鯨鏗春麗雅興  
制集相稱德裕

在武宗朝有經  
論潤色之功得  
此文而益彰

天拜清廟文物胥備朝廷有禮華夷述職河朔修貢乃  
顯神休薦徽號奉揚一德以示萬方於是撰仁聖文武  
至神大孝之冊封域無虞天子翛然有求玄之思乃範  
貞金模聖表隆準日角燭於宮庭中外臣寮咸欲頌山  
河而褒日月也公於是有聖容之讚天街之北獫鬻攸  
居因饑憑凌怙衆強禦嚴之以刁斗而勃爾無懼申之  
以文告又腆然不率天子震怒旋命征之公獨運沉機  
上資宸斷萬里勝負決於帷中雷霆旣震犬羊遂潰疣

贅披抉腥臙解離遁其名王

回鶻鳥介可汗

復我貴主

太和公主至京

改封安定大長公主

公於是有討北狄之詔天寶末薊門爲首亂

之地瘡痍榛棘襲世未平至是漁陽帥仲武

盧龍軍張仲武掃

除妖孽臧獲仇讐

仲武命裨將石公緒等諭意兩部戮回鶻八百人回鶻遣宣門將軍等四

十九人詭詞結歡潛伺邊隙仲武密賂其下盡得陰謀故云臧獲仇讐

奉揚威神乃底康

靖仍願勒石於盧龍之塞以敘聖功飛章上聞帝用允

若公祇應明命舒展格言呼嘯神祇吐納嵩華當畫而

文星現不寐而白鳳來

楊雄作甘泉賦成夢吐白鳳

成諸侯不朽之

臣乾學曰衛公將相勳蹟炳烺史乘所謂以政事爲文章不僅才人之筆也故敍作文處皆追



本功業而架格  
體憲豈明於儼  
句中別開生面

勳尊元后無私之化公於是有幽州紀聖功之碑潞帥

劉從諫死其子

從諫之從子稹

因關河之險恃甲兵之衆請爵

爭地屢聞王庭中外疑迷互撓天聽帝將耀神武公累

獻忠謀且言曰重耳在喪不聞利父

檀弓晉獻公之喪秦穆公使人弔公

子重耳且曰喪亦不可久也時亦不可失也舅犯曰孺子其辭焉父死之謂何又因以爲利而天下其孰能說

之雄渠受戮祇以拒君

七國既敗膠東王雄渠伏誅

况明皇舊宮

明皇

先是兼潞州別駕開元十一年以故第爲飛龍宮後又改啓聖宮

天井內地跨連河北

脅倚山東豈可行有匪人坐爲汙俗若是可忍孰不可

容沃心無疑躡足乃定又曰上黨居天下之脊當河朔之喉今漳水雄兵常山勁卒是爲脣齒實懼因依不若乘於未萌制其將動帝俞其奏乃妙選使臣以勞諭之

帝命李回宣慰河北三鎮

嚴立刑賞以勸戒之

令鎮魏平澤潞

魏侯鎮侯宏

敬魏帥王元達鎮帥也

戮力從命絕壺關之右臂收泝水之上游

獲茲渠魁在此成算又轅門叛將橫水餘兇

叛將楊弁也初劉沔

破回鶻留兵三千戍橫水柵王逢時以河東兵屯榆社詔河東以兵二千赴之時河東無兵李石召橫水戍卒千五百人使都將楊弁將之詣逢時已歲盡軍士求過正旦而行監軍者累牒趣之弁因衆怒作亂李石奔汾

州弁乃通劉稹勢張甚王宰請招納之德裕不從上於是命李石歸太原遂平楊弁竊上相之旌

旗上相李石也

盜晉陽之管鑰帝怒斯赫人心愈疑咸以師

老於郊梟巢尚固議罷兵者蚊聚請宥過者雷同公又

揚笏而言曰彼地則義師帥分宗室

謂李石

是玄祖勤商

之邑

玄祖謂契也

后稷造周之邦瓜瓞具存堂構斯在苟虧

策畫不襲仇讐則是獎彌牟逐主之風

哀公二十五年五月衛褚師比

公孫彌牟公文要等作亂衛侯輒出奔宗

長冒頓射親之俗

冒頓從其父單于頭曼獵射殺

頭曼詩稱築室于道

小雅小旻篇

書謂疑謀勿成

大禹謨

由是洞

啓宸衷大破羣議運籌制勝舉無遺策防微慮遠必契

神機授鉞之臣服膺承命謝安之圍碁尚

劫謝安兄子幼度破苻

堅驛書至安方

圍碁了無喜色曹參之飲酒方

甘參爲相日飲醇酒不事事客欲有言輒飲

之果有軍書繼聞戎捷砥磨周鉞

武王左

水淬鄭刀

考工

記鄭萬里來袁紹之頭顱

臣按三國志注袁熙與袁尚謀欲擊公孫康得遼東康誘

熙尚入伏兵縛之坐於凍地尚寒求席熙曰頭顱方行萬里何席之爲遂斬首然則此語乃熙尚非紹也鄭亞

似二冢葬蚩尤之肩髀

皇覽肩髀冢在山陽郡鉅野縣傳言黃帝戮蚩尤身體異處故

之別葬歡聲雖震於朝市喜氣不見於形容何其纂立功

勳鎮定風俗若是之重也公於是伐上黨之制平晉

陽之敕宗英可汗

會昌五年黠戛斯可汗爲宗英雄武誠明可汗獻琛輸賫越

自絕域通於本朝文畢伯士之徇呼韓鹿蠡之師

鹿蠡漢書

作谷蠡單于之弟谷蠡王○谷音鹿蠡音離

或執玉而朝靈囿或解辮而拜

甘泉

甘泉宮

並垂於冊書光被明命公於是有諭回鶻之

命五慰堅昆之書四

黠戛斯之先貞觀時授堅昆都督德裕書云堅者不朽之名昆者有

後之稱令其便以堅昆爲國云云

文章等於訓傳機事出於神明固將

偃仰邳石之符

黃石公兵符

傲睨鬼籍之錄

鬼谷子書聞之者可

以祛聾聵得之者可以弼邦國每牙管既拔芝泥將熟

嘗於席前親授筆札公亦分陰可就落簡如飛時有急

宣關於密畫內庭外制皆不與聞或勢切疾雷機難終

日宣室未召武帳莫開公則手疏封章達於旒袞當乙

夜觀書之際未嘗不稱美再三此又豈可與賦洞簫而

諷於後庭

漢元帝嘉王褒所爲洞簫賦令後宮貴人皆誦讀之

聞子虛而嗟不同

世者

武帝讀司馬相如子虛賦而善之曰朕獨不得與此人同時哉

論功較德邪歲在

乙丑羣公常伯以天子之道貫於神祇一年而風雨攸

序災沴不作二年殲醜虜興北伐之詩擊回四年誅狡

童

討劉稹也

詠東征之歌而又伐摩尼之風

會昌時外教如回鶻摩尼之類

皆壞浮圖之俗

僧尼皆勒歸俗

偃兵返樸四海胥定思欲增鴻

名光下武公乃觀東序之圖按西崑之牒鋪舒名寶藻

縟文采類於上帝爲唐神宗

神宗見書大禹謨

公於是纂章天

成功神德明道之冊文號位既畢華夷會同方將命禮

官召儒者訪匡衡后土之儀採公玉明堂之圖

公玉帶有明堂

圖考肆覲之禮於梁生

梁松明習故事與諸儒修明禮儀

叩封禪之書

於犬子

司馬相如小名犬子相如未死時爲一卷書言封禪事後命所忠往取

盡皇王之

盛事極臣子之殊功而軒鼎將成

黃帝鑄鼎荆山下鼎既成乃上仙

禹

書就掩

吳越春秋禹藏書之所謂之禹穴

然猶進先嘗之藥

曲禮君有疾飲藥臣

先嘗

獻高手之醫藏周旦請代之書

武王有疾周公祝告先王請以身代

藏其書金

追漢宣易名之美

會昌元年諸臣請以憲宗爲不祧之廟如漢宣帝尊

武帝爲世宗故事其表畱中不出

作于大誥祈于昊天始終一朝紹續

九德其功伐也既如彼其制作也又如此故合武宗一

朝冊命典詔奏議碑贊軍機羽檄凡兩帙二十卷輒署



曰會昌一品制集紀年追聖德也書位旌官業也歲在  
丁卯亞自左掖出爲桂林九月公書至自洛以典誥制  
命示于幽鄙且使爲序以集成書尋玄珠不究於倪域  
聽希聲莫窮於高下承命震惴幾移朝夕援筆而復止  
者三四伏念江陸脩湯辭讓不及因齋潔以敘焉按文粹文  
苑英華並載此篇爲鄭亞作及考李商隱集有太尉衛  
公會昌一品制集序代桂府榮陽公作亦見英華與此  
語多相同榮陽公卽亞是時亞爲桂管觀察  
使辟商隱判官當是商隱屬稿而亞刊定也

孫樵

字可之大中間舉  
進士官職方郎中

就國計民生立論  
與昌黎原道永叔  
本論義相發明

晦菴朱熹曰世  
之佞佛者其人  
品有四高明者  
銜浮誕愚者溺  
罪福久困憂患  
者以果報為實  
自憐憫尤者以  
懺悔為真若宣

復佛寺奏

宣宗敕所廢寺有僧能營葺者聽  
自居之僧尼皆復其舊樵乃上奏

賤臣樵上言臣以爲殘蠹於民者羣髡最大且十口之  
家男力而耕女力而織雖乘樂歲其衣食僅自給也棟  
宇僅自完也若羣髡者所飽必稻粱所衣必絛縠居則  
邃宇出則肥馬是則中戶不十不足以活一髡武皇帝  
元年籍天下羣髡凡十七萬夫以十家給一髡是編戶  
一百七十萬困於羣髡矣武皇帝一旦髮天下羣髡悉  
歸平民是時一百七十萬家之心咸知生地陛下自卽

宗之立得屠非  
有所左右也直  
以反會昌之政  
而已

耕道尹起華曰  
大中之政務反  
會昌三月即位  
豈無當急者而  
五月首度僧尼  
宣宗之始政可  
知矣孫樵之奏  
曷可少哉

位以來詔營廢寺以復羣髡自元年正月洎今年五月  
斤斧之聲不絕天下而工未以訖聞陛下卽復之不休  
臣恐數年之間天下十七萬髡如故矣臣以爲武皇帝  
卽不能除羣髡陛下尚宜勉思而去之以蘇疲甿况將  
興於已廢乎請以開元之事明之開元之間大駕還自  
東封從以千官之衆六軍之事三日畱於陳畱民猶有  
餘力今陛下卽能東封道次給一食則民力殫矣何開  
元之民力有餘而陛下之民力不足邪開元之間率戶

出兵籍而爲伍春夏縱之家以力耕稼秋冬叢之將以  
戒武事如此則兵未始廢於農農未嘗奪於兵故開元  
之民力有餘也今天下常兵不下百萬皆衣食於平民  
歲度其費率中戶五僅能活一兵如此則編戶不五百  
萬不足以給之故陛下之民力不足也今陛下以力不  
足之民而欲重困於羣髡將何以踵開元太平事邪貞  
觀以還開元戶口最爲殷繁不能逾九百萬卽今有問  
於戶部其能如開元乎借如陛下以五百萬給天下之

兵今又欲以百七十萬給於羣髡是七百萬無貢賦矣  
卽令戶口不下於開元其餘止二百萬而國家萬故畢  
出其間陛下孰與其足也卽其鹽鐵不可除而權筦加  
算矣天下之民得不重困乎日者陛下嘗欲營國東門  
諫大夫諍於前言未及終陛下非徒輟其工而又賜帛  
以優之今所復寺宇豈特國門之急乎聚徒嘯工豈特  
國門之役乎寧諫大夫不以言而陛下不以聽乎陛下  
卽不能復廢之臣願陛下已復之髡止而勿復加已營

之寺止而勿復修庶幾天下之民尚可活也今天下最  
不可去者兵也臣尚爲陛下日夜思去兵之術究開元  
太平之事異異日爲陛下言之況去無用之髡也臣樵  
昧死以言

中書門下奏言崇奉釋氏恐財力不逮因之  
生事擾人望委所在長吏量加撙節從之

### 書何易于

唐士易于傳金掠  
此大蓋不惟工於  
敘事而褒貶亦至  
公可信也

何易于嘗爲益昌令縣距刺史治所四十里城嘉陵江  
南刺史崔朴嘗乘春自上游多從賓客歌酒泛舟東下  
直出益昌旁至則索民挽舟易于卽自腰笏引舟上下

伯厚王應麟曰  
東坡謂學韓退

刺史驚叫問狀易于曰方春百姓不耕卽蠶隙不可奪  
易于爲屬令當其無事可以克役刺史與賓客跳出舟  
偕騎還去益昌民多卽山樹茶利私自入會鹽鐵奏重  
權筦詔下所在不得爲百姓匿易于視詔曰益昌不征  
茶百姓尚不可活矧厚其賦以毒民乎命吏剋去吏爭  
曰天子詔所在不得爲百姓匿今剋去罪愈重吏止死  
明府公寧免竄海裔耶易于曰吾寧愛一身以毒一邑  
民乎亦不思罪蔓爾曹卽自縱火焚之觀風使聞其狀

之不至為皇甫  
湜學湜下至為  
孫樵朱新仲曰  
樵乃過湜如書  
何易于瘞城驛  
壁何將軍邊事  
復佛寺奏皆謹  
嚴得史法有補  
治道

以易于挺身為民卒不加劾邑民死喪子弱業破不能  
具葬者易于輒出俸錢使吏為辦百姓入常賦有垂白  
偻杖者易于必召坐與食問政得失庭有競民易于輒  
親自與語為指白枉直罪小者勸大者杖悉立遣之不  
以付吏治益昌三年獄無繫民民不知役改縣州羅江  
令其治視益昌是時相國裴公出鎮縣州獨能嘉易于  
治嘗從觀其政導從不過三人其全易于廉約如此會  
昌五年樵道出益昌民有能言何易于治狀者且曰天



子設上下考以勉吏而易于考止中上何哉樵曰易于督賦何如曰上請貸期不欲緊絕百姓使賤出粟帛督役何如曰度支費不足遂出俸錢冀優貧民饋給往來權勢何如曰傳符外一無所與擒盜何如曰無盜樵曰余居長安中十年歲聞給事中校考則曰某人爲某縣得上下考某人由上下考得某官問其政則曰某人能督賦先期而畢某人能督役省度支費某人當道能得往來達官爲好言某人能擒若干盜縣令得上下考者

如此邑民不對笑去

書褒城驛

褒城今屬漢中府漢中唐爲梁州因德宗南幸陞興元府

前幅似主西貢賓後幅似賓而賓主此文家變化錯綜之法

褒城驛號天下第一及得寓目視其治則淺混而茅視其舟則離敗而膠庭除甚蕪堂廡甚殘烏覩其所謂宏

麗者訊於驛吏則曰忠穆公嘗牧梁州

嚴震字遐聞鹽亭人建中爲山

南西道節度使朱泚反德宗幸奉天李懷光與賊連和奉天危震震奉迎至梁州帝改梁州爲興元府卽用震爲尹進同中書門下平章事卒諡忠穆以褒城控二節度治所龍節虎旗

馳驛奔輶以去以來轂交蹄靡由是崇侈其驛以示雄

大蓋當時視他驛爲壯且一歲賓至者不下數百輩苟  
夕得其庇饑得其飽皆暮至朝去者寧有顧惜心邪至  
如棹舟則必折篙破舳碎鷁而後止漁釣則必枯泉涸  
泥盡魚而後止至有飼馬於軒宿隼於堂凡所以污敗  
室廬糜毀器用官小者其下雖氣猛可制官大者其下  
益暴橫難禁由是日益碎破不與曩類某曹八九輩雖  
以供饋之隙一二力治之其能補數十百人殘暴乎語  
未既有老妪笑於旁且曰舉今州縣皆驛也吾聞開元

臣士奇曰因記  
驛而發明郡縣  
遷代不宜侵數  
之故可謂深達  
物情有闕治體

中天下富蕃號爲治平踵千里者不裹糧長子孫者不  
知兵今者天下無金革之聲而戶口日益破疆場無侵  
削之虞而墾田日益寡生民日益困財力日益竭其故  
何哉凡與天子共治天下者刺史縣令而已以耳目接  
於民而政令速於行也今朝廷命官旣已輕任刺史縣  
令而又促數於更易且刺史縣令遠者三歲再更故州  
縣之政苟有不利於民可以出意革去者其在刺史則  
曰我即去何用如此當愁醉醲當饑飽鮮囊帛贖金笑

大類故事而是非  
不說

與秩終嗚呼州縣者真驛邪矧更代之隙黠吏因緣恣  
爲奸欺以賣州縣者乎如此而欲望生民不困財力不  
竭戶口不破墾田不寡難哉予既揖退老眊條其言書  
於褒城驛屋壁

### 孫氏西齋錄

孫樵謂陸長源唐春秋乃編年雜錄因掇其絜切峭獨  
可以示懲勸者擲其叢冗禿屑不足以警訓者自爲十  
八通書號孫氏西齋錄起高祖之初武皇之終首廟號

臣英曰論斷唐  
事詞義嚴峻文  
亦峭潔有風霜  
凌厲之色

以表元首日月以表事尚功力正刑名登崇善良蕩戮

兇回有所鯁避則微文示譏無所顧慄則直書志慝所

謂高祖殺太子建成者何黜功徇愛譏失教也

太宗有大功宜

嗣有天下高祖不當立建成爲太子至有李勣立皇后

武氏者何忘諫贊慝懲廢命也

李勣爲顧命大臣儻堅諫不奪高宗不敢立武

氏爲后故書曰李勣立皇后武氏

起王氏已廢之魂上配天皇者何登

嫌黜冢不可謂順予懼後世疑於禘祫也

高宗廢王立武武乃貞觀

侍女何以立昭穆故特以王后配高宗示天后有嫌於禘祫

條高后擅政之年下繫

中宗者何紫色閨位不可謂正予懼後世牽以稱臨也

天后改元即真令悉以天后年號及行事繫於中宗示女子不得改元有政也崔察賊殺中書

令裴者何裴名炎武詭諛梯亂肇殺機也裴爲顧命大臣屢白天后

歸政御史崔察廷詰曰裴若不有異謀何故使太后歸政天后遂怒斬裴於都亭驛故書曰崔察賊殺中書令

也張守珪以安祿山叛者何貸刑拂教稔禍階也祿山乃張

守珪部將嘗犯令張曲江令守珪斬之守珪不從果使亂天下故書曰張守珪以安祿山叛稱天下

殺者何罪暴天下示衆與殺也稱天子殺者何死非其

罪示衆不與殺也臣或不書卒者何不以直終去卒以

示貶也君或不書葬者何不以正終去葬以示譏也懼

怠去瑞示戒志瀾

說文瀾水滿貌志瀾猶言志滿也

尚德必書賤尸位

則黜貴皆所以毆邪合正俾滙大義操實寘例以示懲  
勸嗚呼宰相昇沉人於十數年間史官出没人於千百  
歲後是史官與宰相分挈死生權也爲史官者不能抆  
忠骨於枯墳嚮諂魂於泉下磨毫黷札叢閣飽帙豈國  
家任史官意邪樵旣序其略授其友高錫傳云

李商隱

字義山懷州河內人開成二年登進士第由弘農尉歷爲王茂元鄭亞等辟舉後補



太學博士檢校工部郎中

爲濮陽公檄劉稹文

王茂元濮陽人德宗時上書自薦擢賜校書郎仕至

涇原節度使封濮陽郡侯改陳許時澤潞節度使劉從諫卒大將郭誼等匿不發喪擁其姪稹權領軍務宰相李德裕請命稹護喪歸洛以聽朝旨稹竟叛茂元與從諫有舊移檄之規

淹通朗盡文之以  
安法勝者

足下前以肺肝布諸簡素仰承復命猶事枝詞夫豈告者之不忠抑乃聽之而未審擇福莫若重擇禍莫若輕一去不返者良時一失不復者機事噫嘻執事誰與爲

謀延首北風心焉如灼是以再陳禍福用釋危疑言不

避煩理在易了丁寧懇款至於再三者誠以某與先太

師相國俱沐天光並爲藩后

稹父從諫以節度使檢校司空加同中書門下平章

事武宗立兼太子太師與茂元同時爲藩鎮

昔云與國今則親鄰而大年不

登同盟未至飯貝纔畢襴衣莫陳乃睠後生遽乖先訓

遷延朝命迷失臣職不思先穀之忠將覆樂書之族

先穀

臣廷敬曰探其隱謀而隨事折之然後導其歸順之機懼以覆亡之禍事理顯明利害詳晰其

樂書皆晉大夫先穀以晉師敗於邲因召狄人欲爲變  
晉殺之滅其族不應以忠見稱疑先軫或卻穀之譌樂  
書卽樂武子晉人德之至孫盈以曲沃叛其族遂此僕  
滅此言劉稹不守其祖劉悟之訓而將覆其宗也

於稹也可謂忠  
告矣雖朱泚之  
示彭寵魏武之  
喻孫吳何以加  
諸

隸之所共惋兒女之所同悲况某擁節臨戎援旗誓衆

封疆甚邇音旨猶存忍欲賣之以爲己功間之以開戎

役將祛未寤欲罷不能願思苦口之言以定東身之計

昔先太尉相公常陷亂邦不從逆命翻身歸國全家受

封稹祖悟從諫之父嘗爲淄青節度使李師古牙門將

師古死又事其弟師道師道陰通淮蔡憲宗討之悟

將兵拒魏反戈誅師道以降擢義成節度使封彭城郡王居韓之西爲國之屏弃代

之際人情帖然

十五年移鎮澤潞檢校司空同平章事

太師相公以早副軍牙久從征旆從諫先以金吾衛大將軍克昭義節度副

使大事君之節已著居喪之禮又彰故乃獎其象賢仍以

舊服

敬宗授從諫昭義節度使文宗加同中書門下平章事

納職貢賦十五餘年

於我唐爲忠臣於劉氏爲孝子人之不幸天亦難忱纔加壯室之年奄有壞梁之嘆主上深固義烈是降優恩蓋將顯足下之門爲列藩之式不欲劉氏有自立之帥上黨爲辜恩之軍俾之還朝以聽後命其義甚著其恩莫偕昨者秘不發喪已逾一月安而拒詔又歷數旬秘喪則於孝子未聞拒詔則於忠臣已失失忠於國失孝

臣乾學曰義山學力劄於彭陽公以繁縟稱然觀其體勢豪宕固氣盛而言浮此篇尤矯矯

於家望此用人由茲保族是亦坐薪言泰

賈誼云厝火積薪之下而

寢其上火未及然因謂之安

巢幕曰安

季札謂孫林父曰夫子在此猶燕之巢於幕上

智士

之所寒心謀夫之所齟舌矧於僕者得不動心竊計足

下之懷執事之論當以趙氏傳子

趙氏謂鎮冀也節度使王士真卒子承宗

代魏氏襲侯

魏氏謂魏博也節度使田緒卒子季安代

欲以逡巡希恩顧望

謀立耳夫事殊者趨異勢別者跡睽胡度其始而議其

終奪其華而尋其實願爲足下一二而陳之趙魏二侯

於其先也親則父子

承宗爲士真嫡長子季安母微賤公主命爲已子寵冠諸兄

於

其人也職則副戎

承宗先以御史大夫爲副大使季安數歲即以左衛冑曹參軍爲副使

賞罰得以相參恩威得以相抗故朝廷推而與之今足

下之於太師也地則相近職非副戎賞罰未嘗相參恩

威未嘗相抗稽喪則於義爽拒詔則於事乖比趙魏二

侯信事殊而勢別矣此施之於太師趙魏則爲繼代象

賢之美

從諫嗣悟事與趙魏同

施之於足下則爲自立擅命之尤

得失之間其理甚白又計足下未必不恃太師之好賢

下士重義輕財吳國之錢往往而有

吳王濞曰寡人之錢天下往往而有

臣士奇曰披扶  
情事幽隱畢出  
層折反覆不傷  
於冗詞嚴義正  
益見其厚義山  
駢體傑出三唐  
而踈暢磊落如  
斯文者尤不易  
得也

梁園之客比比而來將倚以爲牆藩託以爲羽翼使之  
謀取使以數求細而思之此又非計山高則羝羊自至  
泉深則沉玉自來已立然後人歸身正然後主附語有  
之曰政亂則勇者不爲鬪德薄則賢者不爲謀故吳淠  
有奸而鄒陽去燕惠無德而樂生奔晉寵大夫卒成分  
國之禍衛多君子孰救渡河之哉

吳季札適衛說蘧瑗  
史狗史鰌公子荆諸

人曰衛多君子未有患也先是衛獻公爲孫文子  
所攻奔齊十有二年而復故曰孰救渡河之哉此之

前車得不深鏡代憲四祖文明繼興當時燕趙中山淮

陽齊魯連結者幾姓旅拒者幾侯咸逆天用人背惠忘

德據指掌之地謂可逃刑倚親戚之私謂能取信一旦

地空家破首裂支分闇者不能爲謀明者固以先去悔

而莫及末如之何先太尉與李洧尚書齊之密戚

齊謂淄青

劉悟在淄青爲牙將李師古妻以從父兄也楊太保與蘇肇給

妹李洧者節度李正己之從父兄也楊太保與蘇肇給

事蔡之懿親

蔡謂淮西楊元卿爲節度吳少誠之從事少誠死又事少陽爲御史裏行蘇肇則少

陽之節度判官也

並據要地方州領精甲銳卒及其王師戾至

我武惟揚則割地驅人以降

正己子李納叛洧不爲賊守朝廷加洧沂密海觀察



使檢校戶部尚書

劉悟反正事見前

送款輸忠以入

元卿爲吳元濟齎奏入都盡以情輸朝廷

事覺元濟殺元卿妻子以蘇肇常保護元卿

并殺之元卿仕至河陽節度加太子太保

非不顧密

戚非不念懿親非不思恩非不懷惠直以逆順是逼死

生實難能與其同休不能與其共戚故也以足下大未

侔齊蔡久未及李吳將以其人動於不義僕固恐風沙

之國縛主之卒重生

帝王世紀炎帝時風沙氏叛炎帝退而修德風沙之民自攻其君而

歸炎

彭寵之家不義之侯更出

彭寵之僕執寵以獻光武封之爲不義侯又

計足下當恃太行九折之險部內數州之饒兵士尚強

倉儲且足謂得支久謀而使安危哉此心自弃何速昔

李抱真相國

抱真澤潞節度使檢校左僕射同中書門下平章事

用彼州之人破

朱滔於燕國困田悅於魏郊連兵轉戰綿歲經時而潞

人夫死不敢哭子死不敢悲何者李相國奉討逆之命

爲勤王之師義著而誠順故也及盧從史釋喪就位賣

降冀功

盧從史爲澤潞節度副大使丁父喪獻計誅王承宗由是奪服復領澤潞冀謂承宗爲鎮冀節

度也將乘討伐之時欲肆兇邪之性

從史又陰與承宗通上書言兵未可進

計未就而人神已怒事未立而兵衆已離以萬夫之長

困一卒之手驅輜北闕奔尸南荒

憲宗陰令神策中尉吐突承璀圖之承璀

伏壯士幕下執從史送京師貶驩州賜死

而潞之人猶老者捫胃少者扼腕

謂朝廷不卽顯戮深爲失刑其故何哉以從史不義不  
暱去安就危衆黜其謀下不爲用故也二帥去就非因  
傳聞鳩杖之人鮐背之叟知其本末尚能言之則太行  
之險固不爲恃者之守數州之衆固不爲邪者之徒此  
又其不足恃也由此言之則何以敗名譽隳家聲何事  
捨君命何道求死士何計得人心此僕者所以對案忘

殮推枕不寢爲足下惜爲足下危而不知其所以然也

況太師比者養牛添卒畜馬訓兵旁招武幹之材中舉將軍之令然而經於遠近頗有是非雖朝廷推赤心弘

大度然而不逞者已有乖異之說橫議者屢興悖惡之

歎

李德裕素惡從諫之姦回不欲用其子代將

人之多言亦可畏也誰爲來

者宜其弭之又足下背季父引進之恩失大朝文誥之令則是實先太師之浮議彰昭義軍之有謀爲人姪則致叔父於不忠爲人孫則敗乃祖於無後亦何以對燕

趙之士見齊魯之人邪又計足下旬日之前造次爲慮

今茲追改懼有後艱

以下謂稹或慮釋兵之後更加罪譴則可保其不然

此左右

者不明而咨詢之未盡也近者李尚書祐董常侍重質

之輩並親爲賊將拒我官軍納質於匪人効用於戎首

久乃來復尚蒙殊恩皆受郡符咸領旗鼓

李祐蔡州牙將董重質吳

少誠之壻也亦爲牙將師討蔡祐爲李愬所獲釋而用之與謀擒元濟仕爲夏州刺史綏宥節度使蔡城旣破

重質爲賊守鄆城愬以書招之重質遂降授鹽州刺史劔南節度使

不能悉數厥徒實繁

豈有藉兩代之餘資弄數萬之舊旅俛首聽命舉宗效

誠則朝廷又豈以一日之稽遲片辭之疑異而致足下  
於不測沮足下於後至故事具存可以明驗幸請自求  
多福無辱前人護龍旒以歸洛師秉象笏而朝魏闕必  
當勲庸繼代富貴通身無爲隣道所資使作他人之福  
倘尚淹歸款未整來軒戎臣鼓勇以爭先天子赫斯而  
降怒金玦一受牙璋四馳魏衛壓其東南晉趙出其西  
北拔距投石者數逾萬計科頭擊手者動以千羣兼驅  
挽虎之材官仍率射鵰之都督感義則日月能駐松憤

則砂石可吞使兵用火焚城將水灌魏趨邢郡趙出洺

州分二大都之間是古平原之地車甲盡輸於此境糗

糧反聚於他人恃河北而河北無儲倚山東而山東不

守以兩州之殘殍抗百道之奇兵比累卵而未危寄孤

根於何所則老夫不佞亦有志焉願驅敢死之徒以從

諸侯之末下飛狐之口入天井之關巨浪難防長飈易

扇此際必當驚地底之鼓角駭樓上之梯衝

公孫瓚作高樓千計

拒袁紹紹爲地道突壞其樓瓚遣書告子續曰袁氏之攻似若神鬼鼓角鳴於地中梯衝舞吾樓上喪貝

躋陵飛走之期既絕

易震六二震來厲億喪貝躋於九陵勿逐七日得注震來則危喪其

資貨亡其所處雖復超越陵險必困於窮匱不過七日

投戈散地灰釘之望斯窮

司馬懿既執王淩淩自知不免試索棺釘以探懿意懿與之遂自殺

自然麾下平生盡忘

舊愛帳中親信卽起他謀辱先祖之神靈爲明時之哂

笑靜言其漸良以驚魂今故再遣使車重申丹素惟鑒

前代之成敗訪歷事之實察思反道敗德之難念順令

畏威之易時以吉日蹈茲坦途勿餒劉氏之魂勿汚潞

人之俗封帛增斂含毫益酸延望還章用以上表成敗



氣其清疏頓挫處  
自然入古

之舉慎惟圖之不宣河陽三城節度使王茂元頓首不積

能用詔削奪積官命徐許滑孟魏鎮幽并  
八鎮之師四面進攻郭誼斬積傳首京師

羅隱

字昭諫新登人累舉不第錢鏐辟爲從事節  
度判官副使歷遷諫議大夫給事賜金紫

上招討宋將軍書

僖宗乾符元年濮州人王仙芝及其黨尚君長作亂二年

以平盧節度宋威爲諸道行營招討使  
受任久之賊勢轉盛隱謂威養寇上書

朝廷以簡陵

懿宗陵號

九年彭虺肆螫

懿宗咸通九年徐泗  
戍卒自桂州擅還推

判官龐勛爲主攻陷宿州還  
聚彭城轉掠淮泗踰年而平

而東南一臂爲之枯耗其

後吳卒以狼山叛則東西漑之筋力殆矣

僖宗乾符二年  
西狼山

鎮遏使王郢作亂陷蘇常州泛江入海轉掠二浙南及福建大爲人患自爾天子不重困

百姓由是官未實爵諸葛爽

諸葛爽爲龐勛小校勛勢蹙率百餘人自歸累遷汝

州防禦使秩安文佑皆自盜而昇朝序也所以不幸者江南

水鍾陵火沿淮饑汴滑以東螟故無賴輩一食之不飽

一衣之不覆則磨寸鐵挺白棒

龐勛叛募人爲兵人利於剽掠皆斷鉏首而銳

之執以應募

以望朝廷姑息而王仙芝尚君長等凌突我廬

壽煬剝我梁宋

乾符三年仙芝陷汝州陽武攻鄭州又寇淮南諸州

天子以蠶虱

痒痛不足搔爬因處分十二州取將軍爲節度非方鎮

臣乾學曰唐季  
分崩諸將驕蹇  
擁兵養寇無敢  
誰何而昭諫布  
衣移書數鎮將  
之罪詞直義嚴  
壯人心目

之無帥非朝廷之乏人蓋以將軍跳出隴右不二十餘  
年三擁節旄謂將軍必能知恩用命耳今聞羣盜已拔  
睢陽二城大梁亦板築自固彼之望將軍其猶沸之待  
沃壓之待起也而將軍朱輪大旆優游東道抑不知朝  
廷八十三州奉將軍侍衛者乎復俾將軍誅翦草寇者  
乎時鄭畋上言仙芝屠陷五六州瘡痍數千里宋威衰老殊無進取之意昔韓之醫良而  
性嗇故爲人治未嘗剔去根源所以延其疾而養其財  
也後有商於韓者以疽見醫醫且欲大其疽而沽直因

以藥稔之而疽潰商斃商之家表於韓韓侯屍其族而

籍其有且二賊齧壽春啗潁上刷毫社掠合肥經營於

梁宋其爲老者殺而少者傷驅人之婦女輦人之財貨

將軍固知之矣自將軍受命迄今三月關東之慘毒不

解殺傷驅輦之不已乃將軍爲之非君長仙芝之所爲

也文皇帝時衛公靖

李靖

大帝時鄭仁泰薛仁貴或戢斂

不謹或伺候輜重當時憲司悉以法繩今將軍勲業不

若衛公靖之多也出師非鄭薛之敵也而橫擁士伍鞭

才貴源流博綜理  
趣殆從窮經味道  
中來故絕無揣摩  
影響之語

撻餽運以愚度之將軍之行酷於君長仙芝之行也甚  
爲將軍憂前者天子慮將軍以愛子之念復授禁秩俾  
在軍前則朝廷寵待將軍倚望將軍也俱不淺矣苟將  
軍戮力以除暴推誠以報國今其時也無使躡韓之醫  
陸龜蒙

字魯望居松江甫里以高士名  
不至及拜左拾遺詔方下卒

### 復友生論文書

辱示近年作者論文書二篇使僕是非得失於其間僕  
雖極頑冥亦惴息汗下見詆訶之甚難招禍患之甚易

也况僕少不攻文章止讀古聖人書誦其言思行其道而未得也每涵咀義味獨坐日昃案上有一杯藜羹如五鼎七牢饋於左右加之以撞金石萬羽籥也

萬舞之總名

未嘗干有司對問希品第未嘗歷王公丐貸飾車馬故無用文處江湖間不過美泉石則記之聳節槩則傳之觸離會則序之值巾壘則銘之簡散澹誕無所避諱又安知文之是歟非歟生過聽我太甚苟嘿嘿不應非朋友切切惇惇之義也故扶病把筆一二論之曰我自小

讀六經孟軻揚雄之書頗有熟者求文之指趣規矩無出於此及子史則曰子近經經語古而微史近書書語直而淺所言子近經近何經史近書近何書書則記言之史也史近春秋春秋則記事之史也六籍中獨詩書易象與魯春秋經聖人之手耳禮樂二記雖載聖人之法近出二戴未能通一純實故時有齟齬不安者蓋漢代諸儒爭撰而獻之求購金耳記言記事參錯前後曰經曰史未可定其體也案經解則悉謂之經區而別之

臣英曰班固漢書以六經為六藝此謂六籍內兼經史左氏傳亦稱左史豈始於班馬哉

則詩易為經書與春秋實史耳學者不當混而言之且

經解之篇句名出於戴聖耳王輔嗣因之以易為經杜

元凱因之以春秋為經

杜預始作經傳集解

孔子曰學詩乎學禮

乎易之為書也原始要終知我以春秋罪我以春秋未

嘗稱經稱經非是聖人旨也蓋出於周公諡法經緯天

地曰文故也有經書必有緯書聖人既作經亦當作緯

譬猶織也經而不緯可成幅乎緯者且非聖人之書則

經亦後人名之耳

按莊子天運篇六經先王之陳迹則經之名已久

非聖人之



旨明矣苟以六籍謂之經習而稱之可也指司馬遷班固之書謂之史何不思之甚乎六籍之內有經有史何必下及子長孟堅然後謂之史乎孔子曰吾猶及史之闕文也曰質勝文則野文勝質則史又曰董狐古之良史也此則筆之曲直體之是非聖人悉論而辨之矣豈須班馬而後言史哉

皮日休

字襲美隱鹿門山咸通八年登進士第爲著作佐郎太常博士

請孟子爲學科書

斥莊老而尊寧  
此等議論在唐  
中不可多見

聖人之道不過乎經經之降者不過乎史史之降者不  
過乎子子不異乎道者孟子也捨是子者必戾乎經史  
又率於子者則聖人之盜也夫孟子之文粲若經傳天  
惜其道不燼於秦自漢氏得之嘗置博士以專其學故  
其文繼乎六藝光乎百氏真聖人之微旨也若然者何  
其道燬燬於前其書汲汲於後得非道拘乎正文極乎  
奧有好邪者憚正而不舉嗜淺者鄙奧而無稱邪蓋仲  
尼愛文王嗜昌歎以取味昌歎菖蒲菹也呂覽文王  
嗜昌歎孔子聞而服之後

之人將愛仲尼者其嗜在乎孟子矣嗚呼古之士以湯武爲逆取者其不讀孟子乎以楊墨爲達智者其不讀孟子乎由是觀之孟子功利於人亦不輕矣今有司除茂才明經外其次有熟莊周列子書者亦登於科其誘善也雖深而懸科也未正夫莊列之文荒唐之文也讀之可以爲方外之士習之可以爲鴻荒之民有能汲汲以救時補教爲志哉伏請命有司去莊列之書以孟子爲主有能精通其義者其科選視明經苟若是也不謝

漢之博士矣既遂之如儒道不可聖化無補則可刑於言者

請韓文公配饗書

昌黎衡道之功得此書推尊蓋昭揭宇宙而不朽

於戲聖人之道不過乎求用用於生前則一時可知也用於死後則百世可知也故孔子之封賞自漢至隋其爵不過乎公侯至於吾唐乃策王號七十子之爵命自漢至隋或卿大夫至於吾唐乃封公侯曾參之孝道動天地感鬼神自漢至隋不過乎諸子至於吾唐乃旌入

臣杜誦曰表彰  
昌黎宜崇配饗  
誠為公論文亦  
磅礴有氣勢

十哲噫天地久否忽泰則平日月久昏忽開則明雷霆  
久息忽震則驚雲霧久鬱忽廓則清仲尼之道否於周  
秦而昏於漢魏息於晉宋而鬱於陳隋遇於吾唐萬世  
之憤一朝而釋儻死者可作其志可知也今有人身行  
聖人道口吐聖人言行如顏閔文若游夏死不得配食  
於夫子之側愚又不知尊先聖之道也夫孟子荀卿翼  
傳孔道以至於文中子隋王通字仲淹龍門人教授河汾門人私謚文中子文中  
子之末降及貞觀開元其傳者醜其繼者淺或引刑名

以爲文或援從橫以爲理或作詞賦以爲雅文中之道  
曠百祀而得室授者唯昌黎文公之文蹴楊墨於不毛  
之地蹂釋老於無人之境故得孔道巍然而自正夫今  
之文人千百士之作釋其卷觀其詞無不裨造化補時  
政繫公之力也公之文曰僕自度若世無孔子僕不當  
在弟子之列設使公生孔子之世公未必不在四科焉

國家以二十賢者

左邱明卜子夏公羊高穀梁赤伏勝  
高堂生戴聖毛公孔安國劉向杜子

春馬融盧植鄭康成服慎代用其書垂於國胄並配饗  
何休王肅王弼杜預范甯

於孔聖廟堂者其爲典禮也大矣美矣苟以代用其書

不能以釋聖人之辭箋聖人之義哉況有身行其道口

傳其文吾唐以來一人而已不得在二十一賢之列則

未聞乎典禮爲備伏請命有司定其配饗之位則自茲

以後天下以文化未必不繇夫是也

沈顏

字可鑄湖州德清人天復初進士官翰林有詞藻後仕楊行密

象刑解

舜禹之代象刑而人不敢犯言象刑者以頽以墨染其

清拔之氣矯然自異

衣冠異其服色凡爲三等及秦法苛虐方用肉刑鋸鑿

箠扑楚毒畢至而人犯愈多俗益不治其故何也非徒

上古淳樸人易爲化亦由聖智玄遠深得其理故也夫

法過峻則犯者多犯者多則刑者衆刑者衆則民無恥

民無恥則雖曰劓之刖之笞之扑之而不爲畏也何以

知其然耶夫九人冠而一人髻

髻今之露紒也禮記曰男子免而婦人髻○髻

音槓紒則髻者慕而冠者勝九人髻而一人冠則冠者

慕而髻者勝民不知冠之髻之爲勝但見衆而爲慕矣

水心葉遠曰刑  
辟自古有赦向  
謂議事以制不  
爲刑辟者免舜  
高湯特缺此一  
門雖有刑而無  
辟故也故曰象  
以典刑流宥五  
刑鞭作官刑扑  
作散刑金作賁



刑者災肆救恤  
終賊刑欽哉欽  
哉惟刑之恤哉  
聽刑以示民而  
不曰某罪入某  
刑惟數聖人為  
然蓋純用父兄  
師友之道薰染  
而人而民亦自  
然樂從其麗於  
刑者少矣

今免者多而刑者少人尚慕其多矣及刑者多而免者  
少焉以少爲勝乎故曰法過峻則犯者多犯者多則刑  
者衆刑者衆則民無恥民無恥則雖日劓之刵之笞之  
扑之而不爲畏也凡民之心知恣其所爲而不知戒其  
所失令辱而恥之不足以爲法也何者蓋笞絕則罪釋  
痛止則恥滅恥滅則復爲其非矣故不足以爲法也虞  
舜染其衣冠異其服色是罪終身不釋恥畢世不滅豈  
特已以爲恥也人之見之者皆以爲恥也皆以爲戒也

愚故曰非徒上古淳樸人易爲化亦由聖智深邃深得

其理故也


按唐文三變至韓柳而極盛固矣然其間亦不乏能自奮拔者如唐初陳子昂高識遐覽

破綻績爲疎宕可云傑出其後德宗時陸贄論成敗決事機綿婉入情爲千古奏議所未有雖復多用駢偶與夫浮夸無實者相去遠矣李翱皇甫湜李漢歐陽詹得力於韓各有成就李德裕氣象雄毅見事明審會昌一品集鐘鐺球鼎震曜耳目非于喁細響所可及也杜牧原本先秦國策太史公書發揮才情豪宕感激故於贊皇樊川采取稍多李商隱工於書札一時絕調今錄其非儷體者一篇唐之文章如數家者可以觀矣姚炫取唐文編爲百卷名曰文粹其言曰擷英掇華正以古雅侈言蔓詞率皆不取黃吉父以爲纂次未公品題未當以粹自命實多可疵之體今考諸家之文選者尚非其至特爲論定如此





御選古文淵鑒卷四十



總校官庶吉士臣張能照

校對官學正臣吳垣

謄錄監生臣劉廷勳